

Л.С. Кара-оол



ТӨРЭЭН ТЫВА ДЫЛ: СӨС ТУРГУЗУУ, СӨС ЧОГААДЫЛГАЗЫ

Кызыл
2023

ТЫВАНЫҢ КҮРҮНЕ УНИВЕРСИТЕДИ
ДЫЛ ЭРТЕМИ БОЛГАШ ЛОГОПЕДИЯНЫҢ ТЕОРИЯ БАЗА
МЕТОДИКА КАФЕДРАЗЫ

Л.С. Кара-оол

**ТӨРЭЭН ТЫВА ДЫЛ:
СӨС ТУРГУЗУУ, СӨС ЧОГААДЫЛГАЗЫ**

Кызыл 2023

УДК 811.51.1
ББК 81.052.1я73
К21

Тываның күрүнө университетиниң эртөм-методиктиг чөвүлелиниң шиитпирі
езуғаар парлаан.

Рецензентилер

Ш.Ю. Кужугет, д.э.к., школа назыны четпээннерниң база эгे өөредилгениң педагогика база методика кафедразының доцентизи;

Б.А. Хомушку, Кызыл хоорайның 8 дугаар школазының дәэди категорияның эгे класс башкығы.

Кара-оол Л.С.

К21 Төрээн тыва дыл: сөс тургузуу, сөс чогаадылгазы: өөредилге-методиктиг ном. – Кызыл : ТывКУ-нуң ном үндүрер чери, 2023. – 91 ар.

Ук өөредилге-методиктиг номну «Төрээн тыва дыл» деп эртемни өөредип туар 44.03.05. «Педагогиктиг өөредилге» (иий профильдиг), профили «Эгэ өөредилге» база «Орус дыл», 44.03.03 «Тускай (дефектологтук) өөредилге», профили «Школа назы четпээннер дефектологиязында» студентилер ажыглаары-бile тургускан.

Рецензенты:

Ш.Ю. Кужугет, к.ф.н., доцент кафедры педагогики и методики дошкольного и начального образования;

Б.А. Хомушку, учитель начальных классов высшей категории МБОУ СОШ № 8 г. Кызыла.

Кара-оол Л.С.

К21 Родной тувинский язык: состав слова, словообразование: учебно-методическое пособие – Кызыл : Изд-во ТувГУ, 2023. – 91 с.

Учебно-методическое пособие предназначено для студентов бакалавров, изучающих «Родной тувинский язык», по направлениям подготовки 44.03.05. «Педагогическое образование» (с двумя профилими подготовки) – профили «Начальное образование» и «Русский язык», 44.03.03 «Специальное (дефектологическое) образование», профиль «Дошкольная дефектология».

Допчузу

I. Грамматика дугайында эгे билиг.....	4
Грамматика. Морфология. Синтаксис. Грамматиктиг утка.	4
Грамматиктиг хевир. Грамматиктиг категория.....	4
Дылдарның морфологтуг бүдүш тургузуунун дугайында эгे билиг	7
II. Тыва дылда сөс тургузуу	9
Морфемика. Морфема. Морф	9
Морфеманың хевирлери	9
Сөстүң морфема составынга болу бээр өскерлишиккіннер	
болгаш морфемаларның каттыжар чуруму.....	16
Сөс тургузуунга мергежилгелер	17
Бот ажылдар.....	29
III. Тыва дылда сөс чогаадылгазы, ооң кол аргалары	32
Кожумактыг база каттыштырылга аргалары	32
Лексика-семантиктеги арга	35
Конверсия аргазы, ооң хевирлери	36
Хураангайлаашкын база хоолгалаар аргалар.....	38
Изоляция база холушкак аргалар	40
Сөс чогаадылгазынга мергежилгелер	41
Бот ажылдар	52
Рефераттарның чижек темалары	56
Ажыглаар литература даңзызы	57
Кызырылгалар. Хураангайлаан аттар	60
Капсырылга 1. Сайгарылгалар чуруму. Сөс тургузуунун (морфемнег) сайгарылга чуруму. Сөс чогаадылгазының сайгарылга чуруму.....	61
Капсырылга 2. Кол терминнер словары	61
Капсырылга 3. Тыва сөс тургузуу болгаш сөс чогаадылгазының дугайында статьялар	64

I. ГРАММАТИКА ДУГАЙЫНДА ЭГЕ БИЛИГ

Грамматика. Морфология. Синтаксис. Грамматиктиг утка.

Грамматиктиг хевир. Грамматиктиг категория

Грамматика (<гр. grammatike – бижилге + techne – уран арга) – дылдың морфология болгаш синтаксизиниң дугайында өөредиг.

Грамматика сөстер болгаш оларның хевирлерин, тургузуун база сөс каттыжышкыннарының болгаш домактарның хевирлерин өөренип шинчилээр дыл эртеминиң адры болур.

Морфология (<гр. mōrphē – хевир + logos – өөредиг) – дылдың морфологтук системазын шинчилээр дыл эртеминиң бир адры. Морфологияның өөренир кол чүүлдери – морфемалар, сөстер болгаш оларның хевирлери, база лексика-грамматиктиг бөлүктөр деп адаар чугаа кезектери болгаш оларның системазы болур.

Морфология синтаксис-бile кады грамматиканы тургузар.

Синтаксис (<гр. syntaxis – тургузары), оон өөренир кол объектилери – сөс каттыжышкыннары болгаш домактар, оларның системазы болур.

Грамматикада үш харылзаалыг терминнер бар:

- грамматиктиг утка;
- грамматиктиг хевир;
- грамматиктиг категория.

Грамматиктиг (ужур эдерген) утка – онзагай шынарларын түннээн бөлүк сөстерге хамаарылгалыг утка. Грамматиктиг утка янзы-бүрү хамаарылгаларны илередир: сөс каттыжышкыннары болгаш домакка сөстерниң аразында харылзааларын, азы кылдыныгны күүседип турар кижиге, медээлеп турар чүүлдүң үеге, амгы байдалга, чугаалап турар кижиниң медээлеп турар чүүлүнгө хамаарылгазын дээш оон-даа өске.

Чижээ, ачамның акызы – төрөл хамаарылгазы, дагның эдээ – бир чувениң кезии; аудиторияжес кирилкен – кылдыныгның угланган чери; суурдан келген – кылдыныгның үнген чери дээш оон-даа өске.

Чаа кирип келдим – бодунга хамаарылгалыг, чугаа мурнунда болган кылдыныг;

Чедип келген ышкаши – болган кылдыныгны даап бодааны.

Сөс эләэн каш грамматиктиг уткалыг болур. Чижээ,

келдим – к.с., ч.э.ү., 1 ар., ч.с.;

факультетке – ч.а., Б.п., ч.с.;

мээң – 1 ар., ч.с., Х.п.

Грамматиктиг уткалар сөстүң бүдүн бөлүүн аңгылаар болгаш сөстерниң аразында харылзааларын илередири. Дылга грамматиктиг уткалар морфологтуг болгаш синтаксистиг илередиглиг. Тодаргайлаарга,

1. Оскертилге кожумактарының дузазы-бile илереттинер: *номну, номда, номдан* – падеж уткалары; *номум, номуң, ному* – хамаарылга хевирлери; *номнар, даглар, дыттар, аалдар* – сан хевирлери; *келди, келген, келир, келгелек* – ўе хевирлери; *тургай, турзун, тургуже* – наклонение хевирлери; *бардывыс, бардыңар, барды* – ўе база арын хевирлери.

Грамматиктиг утка тускай көргүзүкчү чок тургаш база илереттинер: *тур* – бол.н., ч.с., а.ү.; *сен* – 2 ар. ч.с., *хем* – А.п., ч.с.

Чижээ, *Күдер сыйнныг аныяк оол аянныы кончуг сыгыртын тур.*

Үк домакта *оол* деп сөс тускай көргүзүкчү чок-даа болза, дараазында грамматиктиг уткаларны илередип туар – А.п., ч.с.

Чамдык сөстерниң грамматиктиг утказы кожа туар сөзүнүң дузазы-бile илереттинер: *ном номчуур* (чүнү? О.п.), *авам чагыы* (кымның? Х.п.).

2. Дузалал сөстер (эвилел, эдеринчи, дузалал аттар, артынчы) дузазы-бile: *авам биле ачам; келген боор, номчупла...*

Чижээ, *Эртен келир болдулар бе?* (айтырыг утказы) *Эртен келир болду ышкаши* (даап бодаашкын).

3. Сөстүң турожу: *куштар чанган* (куштар канчалган?), *чанган күштар* (кандыг күштар?); *чарааш уруг* (кандыг уруг?), *уруг чарааш* (уруг кандыгыл?).

4. Интонация: *Келди. Келди? Келди!*

5. Ударение: *адыр* (будуктуң адыры, көдээ ажыл-агый адыры, хандырылга адыры) – *адыр* (ам, бичии мана).

6. Сөстү катаптаары азы редупликация: *Кызыл-кызыл, номчуп-номчуп, сап-сарыг.*

7. Супплетивизм аргазы (грамматикиг хевир аңғы дазылдыг сөстер дузазы-бile илереттинер): *кижи – чон, улус; эки – кедергей, аажок.*

8. Аналитикиг арга: *чараши – кончуг чараши – чараши эвес, бижиди – бижип тур – бижип тур мен.*

9. Холушкак арга: *мен номчудум,*

Грамматикиг хевир – грамматикиг уткаларның илереттинеринге дузалаар дылдың аргалары. Алды деп сөсте – ды деп өскертилге кожумаа үшкү арын, чаңгыстың санын, чоокта эрткен үе, болуушкуннун наклонениесин айтып турар.

Грамматикиг утканың материалдыг илерәэшкини лексиктиг утказы-бile сырый харылзаалыг, ынчангаш кандыг-бир сөстүң грамматикиг хевири, оон илереттинер аргазы-бile тудуш харылзаалының көргүзөр.

Чаңгыс сөс эләэн каш грамматикиг хевирлерлиг. Ботаварылгада сөстерниң лексиктиг утказы өскерилбес, а грамматикиг уткалары өскерилгениндөн сөстүң грамматикиг хевирлери тургустунар.

Чижээ, чечек – *чечектер, чечектин, чечәэм; өөрен-, өөренир, өөренген, өөренеп, өөренгеш, өөренгей, өөрензин, өөренгизже, өөрензе.*

Кайы-бир сөстүң грамматикиг хевирлерин төрел сөстериндөн ылган билири чугула.

Тут – туткан, тудар, туттум, туткай, тудуп, туткаши, туттушаан – грамматикиг хевирлери;

Тут – тудуг, тудугжсу, туткууши, тудуглуг – төрел сөстері.

Грамматикиг категория – 1. Чанғыс аймак грамматикиг уткаларның каттышканы. Чижээ, аңғы-аңғы падеж уткалары падеж категориязы болуп каттыжар, аңғы-аңғы үе хевирлери үе категориязы болуп каттыжар.

2. Ниити семантиктег база морфолог-синтаксистиг демдектери-бile каттышкан эң улуг лексика-грамматикиг сөстер бөлүү. *Кылыг сөзүнүң категориязы. Наречие категориязы. Сан категориязы.*

Грамматиктиг категория – ниити дыл болуушкуну, а грамматиктиг утка – аңғы дыл болуушкуну.

Грамматиктиг падеж категориязы 7 падеж уткаларын каттыштырар, а сан категориязы – чаңгыстың болгаш хөңүң санының уткаларын.

Грамматиктиг категория кезээде ийиден эвээш эвес грамматиктиг утканы бодунга сицирген чоруур.

Сөс чеже грамматиктиг категорияга өскерлир, ынча грамматиктиг хевирлиг:

Чижээ, одаг – одаглар, одагның, одaa, одажыгаш.

Бижи – бижээн, бижиди, бижиир, бижис тур (1 ўе категориязы – 4 грамматиктиг хевир).

Уруг – уругнуң, уругга, уругну, уругда, уругдан, уругже (1 падеж категориязы – 7 грамматиктиг хевир).

Бүгү дылдар бот-боттарындан чугаа кезектеринин грамматиктиг демдектери-бile ылгалып чоруур:

1. Грамматиктиг категорияларының бар-чогу-бile.

Чижээ, немец, орус дылдарда род категориязы бар, а тыва, англий дылдарда чок.

Немец, англи дылдарда определенность, неопределенность категориязы бар, а орус, тыва дылдарда чок.

2. Грамматиктиг категорияларның илереттинер аргалары-бile

а) орус, англи дылдарда хойнүң саны флексия дузазы-бile илереттинер: *шар-шары*, *table* – *tables*, а немец, француз дылдарда артикль: *das zimmer* – *die zimmer* (комнаты), *la noix* – *les noix* (орехи).

б) орус, немец дылдарда 3 род категориязы бар, а француз, испан дылдарда – 2.

в) орус дылда 6 падеж, немец дылда – 4, венгр дылда – 20 ажыг, тыва дылда 7 падеж хевири бар.

Дылдарның морфологтуг бүдүш тургузуунун дугайында эге билиг

Дылдарны морфемнег бүдүжүнүң айы-бile дараазында бөлүктөрge хуваап туар:

1. Агглютинативтиг;

2. Дазыл дылдар;

3. Флексиялыг дылдар.

Агглютинативтиг дылдар – сөстүң хевирлерин флексияларын өскертип турғаш эвес, а агглютинация дузазы-бile өскертип дылдар.

Агглютинация (лат agglutinare – чыпшыр хырбалаар) дээрge сөстүң дөзү азы дазылынга аффикстерни кожуп турғаш, сөстүң хевирлери болгаш укталган дөстерин тургудар арга.

Аффикс бүрүзү чанғыс грамматикиг уткалыг болгаш кандыг-бир грамматикиг утканы чанғыс аффикс (аңғы-аңғы фонетикиг вариантыларлыг) илередир. Чижээ, *өрээлдерде* деп чижектерде *өрээл «бажынның бир кезээ», дер – хөйнүң санының кожумаа, да – Т.п. кожумаа, деңне:* түрк дылда *одаларда «өрээлдерде» -лар – хөйнүң санының кол морфемазы, а фонетикиг вариантылары – -дар, -дер, -тар, -тер, -нар, -нер.*

Агглютинативтиг дылдарга түрк, финн-угор, моол, самодий дылдар хамааржыр.

Дазыл дылдар – тускай кожумактар чок болганы-бile лексикиг болгаш грамматикиг уткаларны сөстерни кожуп, туруштарын солуп турғаш азы дузалал чугаа кезектериниң дузазы-бile илередир. Дазыл дылдарга кыдат болгаш вьетнам дылдар хамааржыр. Чижээ, кыдат дылда грамматикиг уткаларның илереттинери: *гао шан – бедик даг, а шан гао – дагның бедии.*

Чаа сөстерни чогаадырынга чижектер: *женъиенъ «оргаадай»* деп сөсте *женъ «кижи», шенъ «үнүш»* деп сөстер каттышкан, *гунъженъ «ажылчын» – гунъ «ажыл», женъ «кижи», а бинмаюн «бир дугаар императорнуң терракот шерии» – бин «дайынчы», ма «аът», юн «керамика».*

Флексиялыг дылдар – сөстерни хевирлерин флексиялар (флексия азы окончание, префикс, суффикс, artikel) дузазы-бile өскертиг дылдар. Флексиялыг дылдарга славян, индоирлан, балтий дылдар хамааржыр.

Флексия хары угда элээн каш грамматикиг утканы илередир. Чижээ, *пиши-у* деп сөсте *-у* деп флексия 1-ги арын, чаңгыстың саны, амгы үе, болушкун наклонениези деп уткаларны илередип турар. Флексиялыг дылдарда чаңгыс грамматикиг утканы ийиден хөй флексияларның дузазы-бile

илередир, чижээ, хөйнүн саны - *дома, друзья, цветы, карандаши*.

II. ТЫВА ДЫЛДА СӨС ТУРГУЗУУ.

Морфемика, Морфема. Морф.

Морфемика – сөстүн уткалыг кезектериниң (морф болгаш морфемалар) дугайында өөредиг.

Морфема (гр. *morphō* – хевир) – сөстүн эн биче уткалыг кезээ.

Морфемалар ийи хевирлиг.

1. Дазыл морфема – укталбаан дөс (дазыл): *тон, сарыг, эртө, кел, ийи, ол*.

2. Аффикс азы дузалал морфема-аффикстер: өскертилге, чогаадылга, хевир тургудар кожумактар, немелде үн азы интерфикс.

Сөс чаңгыс азы азы элээн каш морфемаларлыг болур. Чижээ, *төл, тур, эртө, беш, кыш* азы *төл-дүг, тур-гула-ap, эртө-жик, беш-te-n, кыш-ta-г-la-ашкын*.

Морф – морфеманың тодаргай фонетиктиг вариантызы. Морфтар дазыл болгаш аффиксалдыг деп хевирлерлиг.

Хол, холдар, холчугааш, холдуг, холдаар деп чижектерде беш морф (хол-) чаңгыс морфеманы тургудуп турар.

Аалдар, хөлдер, пөштер, паштар, аңнаар, чеңнер, салаалар, серээлер деп чижектерде сес морф аффикс (-дар, -дер, -лар, -тер, -наар, -нер, -лар, -лер) чаңгыс морфема.

Мен деп сөсте дазыл морф мен база тик көргүзүкчүлүг морф бар: 1 ар., ч.с. илередип турар.

Морфемнинг сайгарылга. Кандыг-бир сөсте амгы тыва дылда бар морфемаларны ангылап сайгарары. Ол тускай чурумнуг, көр Капсырылга 1.

Морфеманың хевирлери

Сөс дараазында морфемалардан (уткалыг кезектерден) тургустунар:

1. ДАЗЫЛ (⌚) – сөстүн кол кезээ, эге үндезини, чижээ, **ном, ном - нуг, ном - чу; бижи, бижи - к, бижи-к-тиг.**

Дазыл – төрел сөстерниң ниити кезээ.

Чаңгыс дазылдан уткалыг сөстерни **төрел сөстер** дээр. Чижээ, чуру – чурук – чурукчу – чурумал; кыш – кышта – кыштаг – кыштагла – кыштаглаашкын; изи – изиг – изигленир; чугаа – чугаала – чугаалыг – чугаакыр; кат – каттыг – катта.

Тыва дылда сөс чүгле дазылдан тургустунган болгаш долу уткалыг бооп болур, чижээ, *кат, каас, тур, ийи, чок, бо, дүүн*.

Дазыл хостуг болгаш холбаалыг деп хевирлерлиг.

Хостуг дазыл – өске морфелардан ангыланып, тода көстүп турар дазыл, чижээ,

аал – аалда, аалдар, аалым; аалчы, аалдыг, аалдаар, аалоран;

үш – үшке, үштер, үжум; үшкү, үштүг, үштээр, үш-үш; мен – мени, менден, менче; менгилештир;

ак – аксымаар, аккыр, ак-ак, агарар, агарачнаар, агарачнадыр;

уяра – уяраар, уяраан, уярап, уярадыр, уяравас, уяраза, уяравышаан.

Холбаалыг дазыл – кандыг-бир фонетиктиг болуушкуннуң түннелинде өске морфемалар-били эзилдир тутчу берген болгаш ангылаттынмайн баар дазыл, чижээ,

караам, карааң, караа (карак); аям, аяң, аяа (аяк); чүрээм, чүрээн, чүрээ (чүрек);

кәэр (кел), бәэр (бер), баар (бар), чуур (чуг), боор (бол), киирген (кир), ойна (оюн);

бертен (бо эртен), даартса (даң эрте), аппаар (ап баар), эккәэр (ап кәэр);

мәң (мен), сеңээ (сен), ооң (ол), мону (бо).

2. КОЖУМАК (аффикс) – дазылга улай немежир сөстүн уткалыг кезээ.

Чижээ, дунма-зы, дунма-лар-ым, ном-нар, ном-нуг; бижи-ир, бижи-к, чечек-ти, чечек-тиг, күзе-л, күзе-л-и.

ЧОГААДЫЛГА КОЖУМАА (\wedge) – дазылга азы дөске немешкеш, ооң лексиктиг утказын үндезини-били өскертип, чаа сөс чогаадыр тодаргай уткалыг кожумак.

$\wedge + \wedge$ оол + дуг, эм + чи, чугаа + ла, чуру + к, дүүн + гү;

^+ʌ+ **лкышта+г**, **эмчи+лиг**, **чурук+чу**, **номчу+кчу**,
бұдүрүкчү+лүг.

Чогаадылга кожумактары бұдүрүкчүлүг, әвәэш бұдүрүкчүлүг база өлүг кожумактар деп хевирлерлиг.

Бұдүрүкчүлүг кожумактар – амғы тыва дылдың сөс чогаадылгазында калбаа-бile ажыглаттынып турар кожумактар, чижәе,

-чы, -чи, -чу, чү: чогаалчы, аңчы, аалчы, әмчи, дииңчи, ишчи, бижикич, чурукчу;

-кчы..., -ыкчы...: аргыкчы, башкарыкчы, быжыкчы, дыңнакчы, одакчы, камгалакчы, дузалакчы, удуртукчу, номчуқчу, ужудукчу;

-г, -ыг...; чагыг, болчаг, дилег, кадаг, айтырыг, садыг, кежиг, билиг, өөредиг;

-лыг, -лиг; -дыг, -диг, -тыг, -тиг, -ныг, -ниг: хаялыг, уялыг, билиглиг, принтерлиг, өглүг, талдыг, аалдыг, элдиг, хөлдүг, аyttыг, эштиг, номнуг, әмниг, амданыг;

-тыр, гир, -кыр, -кир...: дылгыр, угаангыр, аштангыр, ажылтыр, ээлгир, эткир, ишкир, боткур, сүткүр, оккур;

-ла, -ле, -на, -не, -та, -те, -да, -де...: сугла, чугаала, бызаала, берүле, хирәэле, самна, әмне, хүнне, херимне, кааста, бутта, будукта, инекте, талда, шилде, аалда, малда;

-дыр, -дир, -тыр, -тир: арылдыр, дыңзыдыр, экидир, дескиндири, чыттыр, тудуштур, багайтыр, чараشتыр, өңнештири;

-кылаштыр, -килештири...: күшкулаштыр, ыткылаштар, оккулаштыр, кижиғилештири, менгилештири, олгулаштыри.

Әвәэш бұдүрүкчүлүг кожумактар – амғы тыва дылда сөс чогаадылгазынга барық ажыглаттынмас кожумактар, чижәе, оттук, кестик; чамашы, өөрүшикү; көрүш, тыныш; ажыткы, чырыткы; кызымак, туремик, холумак, чуксуг, дарызыг, өмзиг; ада, дуза, дајса, сана; сагышсыра, үйгузура, ханзыра.

Олүг кожумактар – амғы тыва дылда сөс чогаадыр шынарын чидирипкен сөстүң дезү-бile эзилдир быжыга берген кожумактар, чижәе, кыскаш, күшкәш; бурундуқ, кезиндең, дилиндек, эмистик; мюондуруқ; үрезин, андазын, хунезин; колун, кулун; докпак, аспак; кадат; суксун; дүжүт, кадат; өңүк; тайга-таскыл; келин, чарын; дүргек, эргек; көшикүн.

Тыва дылда тускай чугаа кезектери сөс чогаадыр кожумактарлыг. Чижээ, **чүве аттары** чогаадыр кожумактар:

-чи, -чи, -жи, -жи...: аңчи, чылгычы, школачы, балыкчы, эмчи, дииңчи, ишчи, хойжу, тараажы, садыгжы, тудугжу;

-кчы, -кчи, -ыкчы, -икчи...: парлакчы, аргыкчы, тиилекчи, көрүкчү, даараныкчы;

-лга...: чурулга, чалалга, тиилелге, өөредилге, парлалга, киржилге, өскерилге, үделге;

-лда...: хыналда, немелде, күүселде, көрүлде, чуулда, немелде, сонгулда, хөгжүлде;

-л: күзел, бодал, идегел, бүзүрел, санал, байырлал, белеткел, магадал, мактал, идегел;

-лда, -ылда...: чыылда, шылгалда, көрүлде, хыналда, өзүлде, немелде, күүселде, сонгулда;

-ыш...: тыныш, таныш, тывыш, туруш, көрүш, үнүш.

Демдек аттары чогаадыр кожумактар:

-лыг, -лиг, -ныг, -ниг...: хаялыг, харлыг, үнелиг, өөрүшкүлүг, номнуг, эмниг, альттыг, эштиг, хылдыг, талдыг, төлдүг, дааштыг, доштуг;

-г, -к, -ык, -ик: арыг, алгыг, изиг, кургаг, ажыг, аарыг, чылыг, кадыг, тодуг, чымчак, бедик, үзүк, артык, кошкак, бузук, бузук, дежик, ыжык, чирик, бедик, чырык;

-кыр, -кир, -гыр, -гир: чугаакыр, даашкыр, сүткүр, дүккүр, ишкир, боткур, дыннангыр, чедингир, дылгыр, угаангыр;

-гы, -ги, -кы, -ки...: чайгы, эртенги, дүүнгү, часкы, күску, эртенги, көжәеки, даштыкы, иштики;

-аачал, -иичел...: агычал, ыядычал, кээргээчел, аарычал, уттуучал, өкпелээчел, уяраачал;

-мал: чорумал, казымал, төрүмел, тарымал.

Кылыг сөстери чогаадыр кожумактар:

-ла, -ле: чугаала, кадарчыла, сугла, кажаала, шайла, аяла, хемеле, күртүле, дилгиле;

-та, -те, -да, -де: ыяшта, тоорукта, балыкта, сүтте, өөкте, инекте, аалда, малда, тоолда, салда;

-на, -не: анна, маңна, самна, камна, онна, чаңна, хамна, чөмне, эмне, хемне;

-гар, -гер, -кар, -кер: сүггар, чемгер, оъткар, аъткар, ашкар-чемгер, хепкер;

-а, е...; сана, дажа, ада, дуза, ойна, амыра, дуже, көзе, байы, хады;

-р, ар...; алгыр, кышкыр, карап, кыйгыр, агар, көгер, саргар.

Наречиелер чогаадыр кожумактар:

- тыр, -тир, -дыр, -дир: багайтыр, чараشتыр, чыттыр, эптештири, тудуштур, экидир, кудулдур, эрттири, дескиндири, хұнзедир, арылдыр, дыңзыдыр, долгандыр, дыңналдыр, даашталдыр;

-кылыштыр...: аъткылаштыр, кижигилештири, менгилештири, оккулаштыр, бискилештири, күшкулаштыр, ытқылаштыр, хатқылаштыр.

ӨСКЕРТИЛГЕ КОЖУМАА (□) – дазылга азы деске немешкеш, чаа уткалыг сөс чогаатпас, домакка азы сөс каттыжышкынынга сөстүң өске сөс-били хамаарылгазын көргүзөр абстрактылыг (туугай) уткалыг кожумак.

^ + □□ ном – ном + нар, ном + да, ном + ум, ном + ум + да;

бижи – бижи + ip, бижи + ip + ler, бижи + di + m;

ийи – ийи + ler, ийи + ni, ийи + zi, ийи + zi + niç.

Чуве адының өскертилге кожумаа ооң **санын, падежин** база **хамаарылга хевирин** көргүзөр: **сылдысты** (О.п.), **сылдыстар** (х.с.), **сылдызы** (3-кү арынның хам. хевири).

Кылыг сезүнүң өскертилге кожумаа ооң **үе, сан, арын, наклонение** азы **деепричастие хевирин** көргүзөр: **келди** (э.ү.), **келген** (э.ү.), **келир** (к.ү.), **турлар** (х.с.), **турғаннар** (э.ү., х.с.), **бижидим** (э.ү., 1 ар.), **көрзүн** (дужаал накл. хевири), **ойназа** (даар накл. хевири), **дыңнагыже** (кызыгаарлаар накл. хевири), **келгеш**, **кирип**, **уне**, **ырлай**.

Ат орнуунң өскертилге кожумаа ооң **санын, падежин, хамаарылга хевирин** көргүзөр: **бистер** (Х.с.), **менде** (Т.п.), **бистии** (1-ги арынның х.с. хам. хевири).

Сан адының өскертилге кожумаа ооң **падежин, хамаарылга хевирин** көргүзөр: **онга** (О.п.), **үшке** (Б.п.), **алдызы** (хам. хевири).

ХЕВИР ТУРГУЗАР КОЖУМАК¹ (‐) – дазылга азы дөске немешкеш, сөстүң лексиктиг утказын өскертпес, ук уткага немелде утка киирер азы ол утканы нарынчыдыптар онзагай уткалыг кожумак. Ук кожумактар чүве аттары, демдек аттары база кылыг сөстеринге таваржыр.

Чүве аттары. Хуу үнелел категориязының кожумактары – колдуунда бичеледип чассыткан, азы эргеледип чассыткан утка киирер.

Чижээ, бажсың+чыгаш, хөл+чугаш, оол+чугаш, дагаа+жыгаш, тей+ жигеш; авам+ай, ачам+ай, угбам+ай, оглум+ай, дүңмам+ай, чуртум+ай, черим+ей; оол+ак, казан+ак, төж+ек; чассыг+бай, чалгаа+пай, дииис+пей, тенек+пей; кулун+чак, хем+чик, дилги+жек, күске+жик, кежээ+кеј, эжи+кеј, дуңма+кым, ава+кым, угба+кым.

Демдек аттары. Шынарның демдек аттарының чада кожумактары:

өйүнде чада: *ак, кызыл, көк;*

куштелдирер чада: *ак+кыр, кызыл+тыр, көк+кур;*

кошкадыр чада: *ак+сымаар, кызыл+зымаар, көк+сүмээр,* ол ышкаш биче+жек, чуга+жасак, көг+үлдүр, сарг+ылдыр, бора+лдыр.

Кылыг сөзү. Болбас хевирниң болгаш залог, вид кожумактары болур.

Болбас хевирниң кожумактары: *тут+на, иши+не, бар+ба, кел+бе, чугаала+ва, мегеле+ве, доң+ма, эм+ме, кеши+нес, бар+бас, сугла+вас, доң+мас;*

Залог кожумактары: *халы+т+кан, чору+д+ар, кыл+дыр+ар, кел+дири+ер, тут+тур+ар, бижи+ттири+ер, номчу+ттур+ган, көр+үш+кен, сана+ж+ыр, бода+н+ыр, чуг+дуң+ар, аргы+ттын+ган, дыңна+л+ыр, тыв+ыл+ган, көр+үш+тур+ген;*

¹ Ук кожумактарның -чыгаш хевирин эге школада чогаадылга кожумаа деп өөредип турар.

Вид кожумактары: *кел+гилэ+эр, чыт+кыла+ар, бар+баста+ан, төн+местэ+эр, тут+паста+ан, бижи+вим+кен, кир+ип+кен, кара+ұна+ар, кизирт+кеин+ип, кылаң+тайын+ып.*

Немелде ұн (интерфикс) дээрге 3-кү арынның хамаарылга хевиринде аттыг чугаа кеззэнге доора падеж кожумактары немежирге, тыптып кээр немелде **Н** деп ұн, чижээ, чурту-н-га, чурту-н-да, чурту-н-дан, чурту-н-че; чечектери-н-ге, чечектери-н-де, чечектери-н-ден, чечектери-н-че; ийизи-н-ге, ийизи-н-де, ийизи-н-ден; силерни-н-ге, силерни-н-де, силерни-н-ден, силерни-н-че.

Интерфикс кайы-даа кожумактың хевирингे хамаарышпас болгаш сөстүң морфемниң сайгарылгазын қылып турда, ону шыйбас.

3. ДӨС (___) – сөстүң өскертилге кожумаа чок, ооң лексиктиг утказы синген чоруур кеззә.

Чижээ, *аң-нар, эмчи-ни, бижик, сугла-ар, кел-ген, мен-ден, сен-и, беш-ти, ийи-зи;* эм – аарыг кижини эмнээрде ажыглаар суук азы кадыг бүдүмел, эмчи – аарыг кижиге эм-дом дузазыбиле дуза чедирер тускай мергежилдиг кижи; *школа* – эгे азы ортумак өөредилгө черинде өөренип турар кижи.

Өскерилбес чугаа кезектери чүгле дөстен тургустунар. Чижээ, *чараши, делгем, кышкы* – демдек аттары; *эртен, ам, дүүн* – наречиелер.

Дөс укталган болгаш укталбаан деп хевирлерлиг.

Укталбаан дөс – чаңғыс дазылдан тургустунган дөс, бүткен-не боду, оон тургузуунда чогаадылга кожумактары азы өске дазыл чок, чижээ, *өрээл, соок, бир, эртен, даг-лар, ийи-ни, сад-ар*.

Укталган дөс – кандыг-бир дазылга азы укталган өске дөске чогаадылга кожумаа немешкениндөн, бир болза ийи дөстүң каттышканындан тывылган, чаа утка илередип турар дөс, чижээ, *кыш+та (кыш – ч.а.; кышта – к.с.), кыш+кы (кыш – ч.а., кышкы – д.а.), кыш+кылаштар (кыш – ч.а., кышкылаштыр – наречие), кыш+та+г (кыш – ч.а., кышта – к.с., кыштаг – ч.а.), алдын-доос, ак-көк, Алдан-Маадыр, Ак-кыс, бөгүн (бо ұн).*

Укталдырыар дөс – чаа сөстү чогаадырынга үндезин болур дөс, чижээ, *майгынныг, майгыннаар* деп сөстерни чогаадырынга үндезин болган укталдырыр дөс *майгын*.

Сөстүң морфема составынга болу бээр өскерлиишкиннер

Тыва дылда сөстерниң морфемалары, өске түрк дылдар-билие бир дөмей, колдуунда тода, көскү болур, чижээ, *сыннарның* – *сын-нар-ның*, *дашчыларны* – *даш-чы-лар-ны*, *чугаалашкан* – *чугаа-ла-ш-кан*, *дузалажыпкан* – *дуз-ла-ж-ып-кан*, *үжүнгө* - *үж-ү-н-гө*, *бистиң* – *бис-тиң*, *сүггүр* – *сүг-гүр*, *караңнаар* – *кара-ңна-ар*.

Ынчалза-даа чамдык таварылгаларда фонетиктүү болуушкуннарның (кызырлыышкын, бөдүүнчүүшкүн) түңнелинде сөсте морфемаларның кызыгаары чидип, эзилдир тутчу бээр таварылгалар бар, чижээ,

аяа<аяк-ы, караа<карак-ы, аксы<агыс-ы, огул<огул-у;
кээр<кел-ир, орап<олур-ар, чораан<чору-ган, баар<бар-ар;
болгулаан <болгула-ган, баргылаан <баргыла-ган, келгилээн <келгиле-ген;
мээн <мен-ниң, сээн <сен-ниң, ооң <ол-нуң; моон <бо-нуң;
хараала<хара-гала, диргизер<дириг-ис-ер, хадаала<хат-ы-
гала, номчаалак<ном-чу-гала;

сарагар<сарыг-ар, дорала<доруг-ала, саржаг<сарыг чаг.

Тыва сөстүң морфемаларының каттыжар чуруму

- ~ төл, аң, чурт, сарыг, көк, улуг, биче, чор, бижи, он, мун, мен, бис, куду, эң;
- ~+ төлдер, аны, хемде; чорду, келди, бижип, келгиже, бергей, турзун; ийизи, мундан; менче, бистиң;
- ~+ төлдерим, акымны, аңының, чордувус, бижиирлер, ийизин, бистерде;
- ~+ н бажында, дунмазынга, эжинче, ийизинден, бежинге, мээнциинге;
- ~+ ~ аккыр, аксымаар, чугажак; келбе, барба, тутпас, кешпес; төжек, кулунчак;
- ~+ ~ авакым, эжиким, дунмакым; чугаалажыр, бижишпейн, билбезим, хосталыр;

- ~+ ـ ـ □ бижижипкен, аргыттынар, чагыттынган;
 дамчыдыптар, бижидиптер;
- ~+ ـ ~ аңчы, чурук, чорук, онгу, төлдүг, ыядыычал, чайгы,
 сугла, менгилештир, экидир;
- ~+ ـ ~ □ чогаалчыны, ажылчыны, чурукта, санаар,
 чугаалады, номчуп, ийигизи;
- ~+ ـ ~ □ чугалажыр, номчупкан, аңнашпышаан,
 дузалашты, эмнешти;
- ~+ ـ ~ ~ чоруктуг, бижиктүг, саналга, чайлаг,
 эмчилиг, шайлалга, чурукчу;
- ~+ ـ ~ ~ □ чайлаглар, саналганы, бижикчизи,
 көрүкчүлээр, дузалакчылар;
- ~□ □ ~ хойларлыг, кыстарлыг, эштерлиг, билгензиг,
 чөгөнгөнзиг, боданганзыг;
- ~+ □ □ ~ танырыымзыг, көргенимзиг, билиримзиг,
 ужурашканзыг;
- ~+ □ ـ авамай, ачамай, акымай, угбамай, черимей,
 чуртумай, эжимей;
- ~+ ـ ~ ~ □ чугаалажыпкан, дузалажыптар,
 санажыпкан, номчужуптар.

Сөс тургузуунга мергежилгелер

Мергежилге 1. Дараазында терминнерниң тодарадылгазын беринер: морфемика, морфема, морф; аффикс, дазыл; интерфикс, кожумак; чогаадылга кожумаа, өскертилге кожумаа, хевир тургудар кожумак; дөс, укталган дөс, укталбаан дөс, укталдырап дөс.

Мергежилге 2. Морфемиканың терминнерин ажыглап, кроссвордтан тургузунар.

Мергежилге 3. Айтырыгларга харылаңаң:

- 1) Кым деп эртемден бир дугаар морфема деп терминни дыл эртеминге ажыглааныл?
- 2) Морфеманың кол демдектери кандыгыл?
- 3) Морф / морфема деп билиглерниң ылгалы чүдел?

Мергежилге 4. Шұлұктұн одуругларында сөстерниң дазыл-морфемаларын шыйыңаң.

Сүзүм болған авайымның сүдү ышкаш,
Сүзүннүг, мага-бottan адырылбас,
Тынар агаар, сеткилимниң хөрзүнү бооп,
Тыва дылым, дамыр-ханда тудуш-тур сен.

А. Даржай

Мергежилге 5. Шұлұктұн одуругларында сөстерниң дазылдарын шыйгаш, оларның хевириң тодарадыңаң: хостуг азы холбаалығ. Холбаалығ дазылдарның тыптып келген чылдагааның тайылбырланың.

Тыва кижәә ажы-төлү— аас-кежии,
Тыва кижәә азыраан мал – эртинези,
Тыва кижәә дөргүл-төрел – ооргазы,
Тыва кижәә чону – чоорган, хөйү – хейлен.

В. Саарымбуу

Мергежилге 6. Шұлұктұн одуругларында сөстерниң кожумак-морфемаларын шыйыңаң. Оларның кайы хевирлері таваржып турарын тодарадыңаң.

Төрээн Тывам кижилери – бойдузу дег,
төрелзирек, демниг, бөдүүн, эгениичел.
өөрзүрек, эриг баарлығ, чылыг сөстүг
өгбелерниң хостуг, чоргаар чаңын салбас.

В. Саарымбуу

Мергежилге 7. Шұлұктұн одуругларында хевир тургузар кожумактарны шыйыңаң.

Чеди өңнүг чөләэш ышкаш
падежтерге
чөргелешкен хоюг сөстер
хөөрежирге,
чараң шұлұқ ала чайгаар
төрүттүнер,
шаа барып аялгалар чаяаттынаң.

М. Ооржак

Мергежилге 8. Сөзүглелде сөстерниң морфемниң составын барымдаалап, дараазында схемаларга дүштүр ушта бижиңдер:

^ ^+ □ ^+ □ □ ^+ □ н □
^+ ^ ^+ ^ ^+ ^ □ ^+ ^ ^ □

Аалывыс кыштаа кедергей кадыр даглар аразында чүве. Ынчангаш кыжын хемден сиғенни айтка азы шарыга чүдүрүп алгаш, арай боорда чедирип алыр.

Чазын ак черлерде хар канчанмаанда-ла, Казанактарның, Кара-Дагларның мээстери карааргылай бергилээр. Аалывыс өдээнге баштай тааннар, кызыл-думчуктар, оон арай сөөлзүредир сайлыхтар көстүп келгилээр.

Шынында, олар частың медээчилери болуп шыдавайн турғаннар. Чүнүн-даа мурнунда, өөвүстүң артында кадыр мээске каранды чап-чаа-ла аштып чорда, шончалай үнүп келир.

К-Э. Кудажы

Мергежилге 9. Дараазында схемаларга морфемниң составы дүгжүп туар үш-үш чижектен бижиңдер:

^ + ^ ^ + + ^ ^ + ^ + □ ^ + ^ + □
 ^

Мергежилге 10. Сөзүглелде холбаалыг дазылдыг сөстерни тыпкаш, кандыг фонетиктиг болуушкуннун түңнелинде морфема-кожумак-бile эзилдир тутчу бергенин тайылбырланыр.

Үлегери: уруу – уруг+у → уруу; аяа → аяк + ы → аягы → аяы → аяа.

Бир-ле ынчап чоруп орумда, боо дарс диди. Шиижектиң бөскээн сыйбап-сыйбап, узун тенни уштуп каапкан... Дилгижектиң караан орта күжеп-күжеп, ийи-холдан чык-ла кылган. Көре каапкаш, арным изиш диди: дилги дээрge дилги кежи бөрт кеткен. Канчаар чоор деп, кайгап-харап, дувүреп-човап, шаавыс төндү... Карак оду кызаш кынган, хаяалыг хүн караңгылаан. Бора-Шиижек корга-корга, бозагадан дүшпейн, сөгүргүлээш, чымчак уян үнү-бile Чылбыгадан дилеп орган иргин.

С. Пюрбю

Мергежилге 11. Домактарда морфемнig составында немелде үн тыптып келген сөстерни тыпкаш, ушта бижиңер. Аас-бile ук үннерниң тыптып келген чылдагаанын тайылбырлаңар.

Уруунга дег кат-ием меңээ ынак. (А.Д.). Суун ижип, довураанга ойнап есken чуртун канчап багай-дыр деп хозар чүзүл. (А.Д.) Хензиг чаш бут кырынга туруп келген. (А.Д.) Хайынган чон аразында ажылдыва далашканнар – архитектор, эмчи, башкы... кандыг кижи чок дээр. (С.П.) Көрүнчүкке маңнаар айым, хөрзүнүнгэ хоржок айым (Тывызык). Аалывыс өдээнге баштай тааннар, кызыл-думчуктар, оон арай сөөлзүредир сайлыктар көстүп келгилээр. (К-Э.К.) Дыттар доорзунда тодуг инектер кезек-кезек улгаттыр тынгылап каап, шөлээн кегженип чыткылаар. (Е.Т.) Кырган-авазы база чоргаарал-бile оглунче көрүп турган. (Е.Т.)

Мергежилге 12. Сөзүглелде чүве аттарын кожумак-морфемаларының аайы-бile бөлүктей ушта бижиңер:

- а) ескертилге кожумактыг чүве аттары;
- б) чогаадылга кожумактыг чүве аттары;
- в) чогаадылга база ескертилге кожумактыг чүве аттары.

Шүлүктүн автору профессор Ш.Сат төрээн дылын үнелеп, ооң онзагайын айтырда, кайы уран чечен арганы хөйү-бile ажыглаан-дыр, тодарадыңар. А бодуңар ук уран чечен арганың кандыг чижектерин немеп болур сiler?

Төрээн дылынга йөрээл

Улуг-Хемниң агымы дег күштүг, ак-көк Тывавыстың дээри дег арыг, бора хектиң эдери дег өткүт, алдын-сарыг сыйырганың ырлаары дег элдептиг төрээн дылын! Сенде ховуш-шөлдерниң делгемнери, тайга-тандыларның бедиктери, кылан хөлдерниң оожум-топтуу, оран-делегейниң оът-сигениниң айдызы, аң-мениниң алгы-кышкызы сиңген.

Чырык өртемчейге карак чивеш аразында чуртталгамда тыва дылдыг төрээн чонум аразында чор мен. Өргүн-көвей улустарның дылдарының, аялгаларының аразынга мөңгө шагда хомуустун үнү бооп чангыланып чор, өлчей-кежиктиг, хайыралыг төрээн дылын!

Мергежилге 13. Дараазында чижектерде чүве аттарын немелде үннүг (интерфикс蒂格) кылдыр эде тургускаш, бижиңер. Тыва сөстүң тургузуунга кажан немелде үн тыптып кээрин тодарадыңар.

Тыва кызы, ооң чурту, чалыны чүрээ, өскен чери, энерелдиг дұңмазы, кижи сагыжы, чойғанның сыны, сеткилиниң арысы, бүзүрелдиг өңнүү.

Мергежилге 14. а) Дараазында сөстерниң төрел сөстерин тып бижиңер.

тыва –

амы –

әлдеп –

кылаш –

б) Дараазында сөстерниң грамматиктиг хевирлерин бериндер.

чурт –

беш –

сен –

чуру –

в) Дараазында сөстерден төрел эвес сөстерни тывыңар, чүгө ук сөстерни шилип алғаныңарны тайылбырлаңар.

Чай, чайгаар, чайгаашкын, чайлыг, чайганыр, чайгаттырар, чайғы, чайыр; мунгак, мунгараар, мунгараачал, мунчук, мунгарал, мунгаш, мунгаргай; аңғы, аңғыс, аңғыланыр, аңғыланчак, аңғылаар, аңғыр.

Мергежилге 15. Шүлүктө сөс бүрүзүнүң дазылын айыткаш, хевирин тодарадыңар. Ийи сөстүң төрел сөстерин тургузуп, а ийи сөстүң грамматиктиг хевирлерин немеп бижиңер.

Тыва дылын,

Тыва чонун,

Тыва чуртуң –

Ожуунунүң үш ожук дажы ол-дур, оглум!

А. Даржай

Мергежилге 16. Дараазында ийи одуругда сөстерниң ылгалын тодараткаш, аас-бile түңнелин кылыңар.

дыл – дылдар, дылдың, дылым	дыл – дылдыг, (тыва) дылдажыр, дылгылаштыр
он – оннар, ондан, ону	он – онгу, оннап, онгулаштыр, он-он
бижи – бижиир, бижит, бижээш, бижизе	бижи – бижик, бижиктиг, бижикчи

Мергежилге 17. Дараазында чугаа кезектериниң өскертилге кожумактарының дазылга каттышканын хайгаарал көргеш, түңнелден кылыңар.

Акы – акым, акымны; акылар, акыларым, акыларымга; акызы, акызында, акылары, акыларынга.

Чуру – чуруур, чуруулар; чуруду, чурудум, чурудулар; чурузун, чурузуннар; чуруп, чурувушаан.

Мен – мени, мәэң; бис – бисти, бистиң; ол – ону, ооң; олар – оларда, оларның.

Ийи – ийилер, ийини, ийизи.

Мергежилге 18. а) Хөйнүң санында чүве аттарын ушта бижээш, оларның шын бижилгезин аас-бile тайылбырлаңар.

Шартылаа үнү шагда-ла читкен. Ногаан пөштерлиг кара эзимнерде сыйыннар эдип каапкан. Ам удавас кыш көрбээн бызаалар дөрт даванын бөле базыпкаш, кударанчыг кылдыр алғыржып эгелээрлер.

К-Э. Кудажы

б) Бердинген хөйнүң санынга кошчуп болур алды-алды чүве адының чижектерин бижээш, оларның шын бижилгезин аас-бile тайылбырлаңар.

-лар, -лер:

-нар, -нер:

-тар, -тер:

-дар, -дер:

Мергежилге 19. а) Сөзүглелде аттыг чугаа кезектериниң падеж кожумактарын шыйгаш, оларның хевириң тодарадыңар.

Чурукчу Күс эң-не өңгүр будуктарны ап алгаш, ажылдаар дээш, арыгже чорупкан. Аңаа баргаш, чуруп кирипкен. Күс хадыннарны алдын-сарыг өң-бile, а шарланнарның бүрүлерин, бышкан яблок ышкаш, кызыл-хурең кылып каан.

Шупту ыяштарны болгаш чадаң үнүштерни безин Күс бодунуу-бile күскү өң кирип, бирээзин сарыг, бирээзин өкпен, бирээзин кызыл өңнер-бile каастап шимээн. Ынчаарга ол хады болгаш шивилерни канчаар шимээр айын тыппайн барган. Ынчангаш хадылар болгаш шивилер чайгы хевээр кара-ногаан өңнүг артып калганнар. Оортан күскү арыг улам каас апарган.

Г. Скребицкий

б) Дараазында сөстерни падежтерге өскерткеш, шын бижилгезиниң дугайында түңнелден кылыңар.

Дыт, тал, тон, иви; мен, сен, ол; алды, тос, он.

Мергежилge 20. Дараазында орус дылдан үлегерлээн сөстерни падежтерге өскерткеш, оларның шын бижилгезиниң дугайында түңнелден кылыңар.

Банк, артист, класс, студент, апрель.

Мергежилge 21. Сөзүглелде хамаарылга хевиринде чүве аттарын тыпкаш, кожумактарын айтыңар. Ук сөстерни чаңгыстың санында хамаарылга хевирлеринге өскертиңер.

Эрте-бурун түрк дылдан
Чемиш тыртып,
эге сөзүң дазылданган,
тыва дылым.
«Авай», «ачай» диген ышкаш,
Кышкың ынчан
Азий дипке чаңгыланган,
Тыва дылым.

М. Ооржак

Мергежилge 22. а) Сөзүглелде хамаарылга хевиринде сөстерни ушта бижээш, оларның дазылын шыйыңар. Холбаалыг дазылдыг сөстерниң тыптып келген чылдагаанын тайылбырлаңар.

Шала улуг күске-даа сүттү ижип-ле эгелээн. Бичежек күске оозунуң кудуруун ызырып алгаш, чаагының суу дырынайнып, четтикпейн-не турган. Элээн болганда улуг күскениң-даа ишти-хырны шартайып, аартап эгелээн. Дедир та канчап үнүп алыр! (Тыва улустуң «Ийи күске» деп тоолундан үзүндү)

б) Дараазында орус дылдан үлөгерлээн сөстерни хамаарылга хевирингэ өскеркткеш, оларның шын бижилгезиниң дугайында түннелден кылыңар.

Курс, парк, секретарь, шкаф, грипп.

Мергежилге 23. Сөзүглелде чогаадылга кожумактыг сөстерни тыпкаш, оларның дазылын база чогаадылга кожумаан шыйыңар, кайы чугаа кезээнгэ хамааржырын айтыңар.

Дангаар эртен, чайлаг бүдүнгэ оттуп келген. Инекти саап дооскаш, өшкүнү база чап-чаа-ла одарларже үндүрүп эгелээн.

Бедик доруг аyttыг, сүүр тейлиг оваадайлыг оол хамык инекти аалдың алдыы чарыында алаңгыштыг, майдырганнныг өзенни өрү ырлавышаан, кыйгырбышаан сүрүп үндү.

Кажаада хөй өшкүнү ажыдыптарга, аал коданы шыкта, дус төккөн төндө чапты берди. Бир талазында бичиижек шоодай хап, бир талазында дүүрге чүктээн, эрги куу шляпалыг, көк даалымба хөйлен, чүвүрлүг Хойтпак-оол ашак өшкүнү аалдан үндүр сүрүп эгеледи. Ооргазы мөгейтирик кырый берген-даа болза, чиик, кашпагайы хат-салгын дег, даады-ла шошкуй аарак кылаштаар.

О. Сагаан-оол

Мергежилге 24. а) Сөзүглелде ангылаан сөстерни тургузуунуң аайы-бile сайгарыңар.

б) сүзүглел деп сөстүң төрөл сөстерин тургузуп бижинер.

Ам бодап чоруурумга сыйн үнү дыңрап чорааш, ындыг болганы ол бе, ийи кырган-авам дыка үр чурттааннар ийин.

Ийи кырган-авам шеттерден салдынмаан, кандыг-бир ыдыктыг сүзүглел кылган дег, ыыт чок турлар. Сыйннар алгызының аразында чүрээмниң шапкыланырын безин дыңрап турдум. Чаягай чаңчыл ындыг чүве-дир, сыйн үнүн өскен-

төрээн черинге буттарын бывыг баскаш, ыяштан ыяк туттуунуп алгаш, ыыт чок шөлээн дыцнаар.

Алдын хүн бакылап келгеш, чырык херелдерин ол чарыкта ногаан эзимнерже чажыпты. Уурук-сууруктап чоруй, сыыннаар соксай берди. К-Э. Кудажы

Мергежилгэ 25. Дараазында чогаадылга кожумактарының дузазы-бile чаа сөстерден чогааткаш, кайы чугаа кезэнге хамааржырын айтынаар:

-ла, -сыг, -лга, -тыр, -тыг.

Мергежилгэ 26. Дараазында сөстерни кожумактарының аайы-бile бөлүктенэр:

Сөс өскерттир кожумактарлыг сөстер	Сөс чогаадыр кожумактарлыг сөстер
------------------------------------	-----------------------------------

Харлар, чурук, кыштын, эртengи, шүлүкчү, дагны, булуттug, будуур, хөглүг, кызы, будуктар, аргаже, чугаала, чуртту, суурнуң, балыктыг, чурумал, ыракта, тоорукта, ушкаш, пөштер, идиин, өшкүнү, ышсыг, кылажы, хөглүг, тарып, сагыжымда, күзүн, хөнекке, долдур.

Мергежилгэ 27. Дараазында одуруглардан хевир тургузар кожумактарлыг сөстерни тывынаар. Ук сөстерде кожумактар кандыг уткалыг ажыглаттынганын тайылбырлаңаар.

Хүннээрек, хүннеп кел!

Хөлеге, көже бер!

Аккыр булут, бээр кел!

Кара булут, ыңай бар! (Уруглар ыры)

Ховуй-хооп, ховуй-хооп,

Ховаганчык, кайда сен?

Ховуй-хооп, ховуй-хооп,

Холга тудуп алыр мен. (Уруглар ыры)

Эдир булут эзиннеткен

эзим-арга чуртумайны.

Кара булут хаажылаан

кадыр даглыг чуртумайны. (Кожамык)

— Харжыгаш, харжыгаш,
Кайын, чүге келдиң?
— Эргим черим кышкы
Энчээ болуп баттым.

К. Ондар

Мергежилge 28. Укталган дөстүг сөстерни тыпкаш, дөзүн айтып шыйынцар. Укталбаан дөстүг дөрт чүве аттарының чижектерин ушта бижээш, оларның төрөл сөстерин тургузунар.

Даштыгаа үнүп келгеш, шынап-ла кайгап кагдым...

Эзерлиг аyt каътты куду мал одуруу-бile қylashтap бадып олур. Ыттарның ээргизин мырыңай херекке албайн чор. Аңаа көөрде, ыттар боттары харын дедирленип, кудуруктарын мунгулапкан ээрген чорлар. Малды канчап ынчаар ээрер боор?

Эзерлиг аyt мырыңай чоокшулап кээрge, топтап көрүпкеш, аңгалап калган-дыр мен. Буур қylashтap олур!

Аныяк буур. Кышкы дүгү четчележип келген. Оон мөгенин ырактан эзер деп көрген болдувus.

Буур ыттарны мырыңай херекке албайн чор...

Аңны хойзур бе, ыттарны хай дээр бе – чунү-даа канчаар аайын тыппайн барган мен. Ынчаар ээдереп турумда, ол-ла қylashтаан уу-бile буур иштинде сиғеннинг кажаага кээп туруп алды. Ол аалды-даа, мени-даа херекке албады.

К-Э. Кудажы

Мергежилge 29. Сөзүглелде укталган дөстүг сөстерни ушта бижээш, укталбаан қылдыр эде тургузунар.

Ынчан Теректиг аксынга дузалакчы кадарчым-бile ийи өг орган бис. Хар қылыннап, күс орайтай берген турган чүве. Кыштаглаар дээш хыл қырында келген үевис ол.

Теректиг дээрge өрген дег, кадыр каъттарлыг, кара пөш шыпкан тайга аразындан хап баткан бичии хем. Ол баргаш, ырак эввесте Кaa-Хem безин четпейн, чиде бээр.

Бичии хемниң бажында дыт, шиви, пөш үнген, тайга төнген дораан теректер эгелээр. Ынчангаш Теректиг деп адаан.

Аалывыстың күзээр черинден тараа шөлдүг хову-даа мыя бо, эзимниг тайга-даа мыя бо. Кыжын каъттарга аң-мен мал-маган дег оъттап чоруур...

Даарта аалывысты кыштагже көжүрер чүк машиназы келир дээн чүве. Ынчангаш айдымын эзертээш, кыштагда бажың-балгат барып көөр дээш, эзенги кырынга орган мен...

К-Э. Кудажы

Мергежилге 30. Сөстүң укталган дөзү биле укталдырар дөзүнүң ылгалы чүдел? Чижектер-били бадыткаңар.

Мергежилге 31. Улегер домактарда укталбаан дөстүг сөстерни тыпкаш, дөзүн айтыңар. Улегер домактарның кол бодалын тодарадыңар.

Будуктуг ыяшка күш чыглыр,

Буяның өгге чон чыглыр.

Кижи чугаалажып таныжар,

Аът киштежип таныжар.

Дуңмалыг кижи дыш,

Угбалыг кижи ус.

Адазын дөзээр,

Иезин уктаар.

Каас тодуг чуртталга –

Карак кызыл ажылда.

Мергежилге 32. Сөзүглелден нарын сөстерни тыпкаш, оларны тургузуунүң аайы-били сайгарып, шын бижилгезин тайылбырлаңар.

Алдын күс-даа дүшкен. Черниң кырын дүнениң-не шаң-хыраа шыптар аппарган. Күштар изиг чурттарже чоруптарынга белеткени берген. Арга-эзимгэ аян тудуп ырлажып турар күштарның чоорту-ла чидип турары илдең аппарган. Эзимгэ чүгле кәэргеннер, торгалар, дүлей-көктер көскуленнээр.

Хүлбүзек бир-ле даң бажында Менгилиг тайганың көжилчек-көжилчек өзеннерлиг кожагарының бажындан халып бадып орган. Ол бир калбак ногаан өзенни эдектелдир халып чоруй, тура дүшкен. Ол мынчаар хостуг-шөлээн кажан-даа халып көрбээн. Ооң сеткилингэ кончуг-ла өөрүнчүг болган. Узун, күштүг буттары-били тепкеш шураарга, озаң чудуктар, онгул-чингилдер оран чок адаанга каар. Шуут-ла күшталыр.

Х. Ойдан-оол

Мергежилге 33. Холбаалыг дазылдыг сөстерниң дөзүн айыткаш, кандыг фонетиктеги болушкуннуң түңнелинде мындыг хевирлиг болу бергенин тайылбырлаңар. Тывызыктың харызыын тывыңар.

Хаваа калбак,
Караа сыгыр,
Кулаа докпак,
Кудуруу чолдак.

Мергежилге 34. Шүлүктүң бирги строфазында сөс бүрүзүнүң дазылын шыйыңар, ииғи строфазында холбаалыг дазылдыг сөстерни ушта бижээш, скобка иштиинге хостуг дазылын айтыңар. Бир сөстү шилээш, оон төрел сөстерин тургuzuңар, ол ышкаш ол-ла сөстүң грамматиктеги хевирлерин бижинцер.

Башкы харлар дагны, шөлдү
манган кылдыр будуй кааптар.
Хараачыгай кызыл элден
хайгыыл кылып ужуп үнер.

Чочак шиви будуун чаткаш,
ожук харны дозуп алыр:
чогаал бижиир шүлүкчү дег
оожум шөләэн боданы бээр.

М. Кенин-Лопсан

Мергежилге 35. Сөзүглелде сөстер-бile холбашкан дараазында онаалгаларны кылыңар:

- а) кандыг-бир грамматиктеги хевирлери таваржып турар чижектерни тыпкаш, оларны одуруглай ушта бижинцер;
 - б) холбаалыг дазылдыг чижектерни ушта бижинцер;
 - в) тургuzuунда немелде үннүг чижектерни тыпкаш, ушта бижинцер;
 - г) сөстерниң хевирлери база укталган дөзүнүң тургустунары-бile тыва дыл агглютинативтеги дылдарга хамааржыр дээрзин ук сөзүглелде сөстергө даянып, бадыткаңар.
- ...Аныяк Рушевтер вагондан үнгеш, дораан-на төрелдериниң куспаанче дүлнүү берген. Шоваалаң кара карактарлыг, чаа-ла чылчайты каттырып чыдар апарган

Надюшазы шупту улустуң кичээнгейиниң төвүнде барган холдан холче дамчып чоруп турганын авазы чоргаарал-бile хайгаарал турган.

- Өг-бүлөңер өзүп, баш саны немешкен, ана ат улус-тур сiler але – дээш, Константин Николаевич қырган-ачай болганын ам чаа-ла езуулуг медереп билген чүве дег, өөрээнинден бичии кижизин өрү октай каап турган.

- Ой, қырган-ачазы, ол чаш кижи буза октап алдың – деп, Таня қырган-авазы девидеп алғырган.

- Буза октап деп чүзүл моон, шаажаң азы хрусталь эвес-тир бо – дээш, қырган-ачазы уруун улам-на хөрээнче чырыа туткан. Кааш чыл мурнунда шоолуг үр-даа көрбээни кенинчине кунччу элээн топтап көргеш:

- Арның агара берген, арта-ла арыпкан ышкаш сен, уруум, кадының анаа бе? – деп сагыш човап айтырган.

- Ийе, көңгүс анаа мен – деп, Наташа биеэги пөрүү чок, чазык хүлүмзүрбүшсаан чугаалаан. Ол ам мурнундагы дег пөрүүк эвес, дуржулгалыг башкы, ооң кадында ава апарган.

Е. Танова

БОТ АЖЫЛДАР

Сөс тургузуу, ооң кезектери

Тема 1. Сөс тургузуу, ооң кезектери

1. Тыва сөстүң тургузуу, ооң морфологтук кезектери
2. Морфема, морф дугайында билиг.
3. Сөстүң кезектериниң каттыжар чуруму.

Ажыглаар литературазы:

Orgu, K. X. Тыва дылда сөстерниң тургустунарының дугайында / К.Х. Оргу – Сөзүглел : боду // Тыва дыл дугайында ажылдар. – Кызыл, 1964. – С. 3-18.

Салзынмаа, Е. Б. Тыва сөс тургузуунун дугайында / Е.Б. Салзынмаа – Сөзүглел : боду // Тыва дыл дугайында ажылдар. – Кызыл, 1964. – С. 19-30.

Сат, Ш. Ч. Амгы тыва литературлуг дыл / Ш.Ч. Сат, Е.Б. Салзынмаа. – Кызыл: Тываның ном үндүрөр чери, 1980. – 258 с. – Сөзүглел : боду.

Тема 2. Сөс тургузуу-бите холбашкан нарын айтырыглар

1. Тыва сөс тургузуунуң нарын айтырыглары
2. Хостуг болгаш холбаалыг дазыл дугайында билиг
3. Укталдырар болгаш укталган дөс дугайында билиг
4. Кожумак, оларның янзылары

Ажыглаар литературазы:

Куулар, К.Б. Сөс тургузуун башкылаарының нарын айтырыглары / К.Б. Куулар. – Сөзүглел : боду // Башкы. – 2000. – № 2. – С. 52-54.

Оргу, К.Х. Тыва дылда сөстерниң тургустунарының дугайында / К.Х. Оргу – Сөзүглел : боду // Тыва дыл дугайында ажылдар. – Кызыл, 1964. – С. 3-18.

Салзынмаа, Е.Б. Тыва сөс тургузуунуң дугайында / Е.Б. Салзынмаа – Сөзүглел : боду // Тыва дыл дугайында ажылдар. – Кызыл, 1964. – С. 19-30.

Сат, Ш.Ч. Амгы тыва литературлуг дыл / Ш.Ч. Сат, Е.Б. Салзынмаа. – Кызыл: Тываның ном үндүрөр чери, 1980. – 258 с. – Сөзүглел : боду.

Бижимел бот ажыл 1. Сөс тургузуу, оон кезектери

1. Хостуг дазылдыг сөстерни ушта бижээш, чугаа кезээн айтыр.
2. Холбаалыг дазылдыг сөстерни ушта бижээш, оларның канчаар тыптып келгенин бадыткаар.
3. Немелде үн таваржып чоруур сөстерни тыпкаш, тургузуунуң айы-бите сайгарар.
4. Сөзүглелден укталган дөстүг сөстерни чугаа кезээнин айы-бите ушта бижиир.

Кырган-авам эртеннин-не шай чажар, дөң сайларда эжеш ийи дуруяны көрүп, бодангаш олурууптар. Оон ындызызын элдепсинип, бир катап анайлар дозуп чорааш, айттырдым:

- Эртеннин-не шай чажып, дуруяларны кандыг кончуг магадап көөр кижи сен?

- Чая хайындырган шайның үстүн өргүүр бурун өгбелеривистиң сүзүк-чаңчылы-дыр. А дуруялар сеткилимниң ындынныг ынак, ыдык күштәрү чүве – дээш, кырган-авам

карактарын имирерти көрүп, ханы бодангаш, уламчылады. – Оларның часкы ыры оглум күжүрнүң башкы кышкызы сагыжымга кирип кээр-дир. Ынчан күш даңында дун оглумну божуп, карактарым чыраан чүве. Баштайғы аас-кежиим, өөрүшкүм, чоргааралым оон дазылдалган. Ол сәэн даайың-дыр, аваңың кады төрээн улуг хазы-дыр.

- Мен ол даайымны көргөн мен бе? – деп, үнүм шала чавыс айтырдым. – Ол ам кайда чурттап чоруурул? Чоп биске келбес, көзүлбес кижил?

- Чок, сен ону көрбээн сен, оглум. Аваң безин үнгеп чоруур үезинде тыва эки турачы сүзүк шериглерниң бирээзи бооп дайынче чоруткан – дээрге, кырган-авамның карактарындан суг-чинчилерзиг чаштар сыйтып, чаактарынга кыланнашкан. – Төрээн чурт, арат чону дээш, чаалашкаш, атчолу чаагай украин черде кара бажын салган. Ам ол келбес, ында мөнгө уйгузун удуп чыдар.

Т. Карыма

Бижимел бот ажыл 2. Сөс тургузуу, ооң көзектери

1. Сөстерниң кожумак-морфемаларын шыйгаш, оларның кайы хевирлери таваржып турарын тодарадыр.

2. Дараазында модельдерге дүгжүр чижектерни ушта бижиир: дазыл + өскертилгэ кожумаа; дазыл + өскертилгэ кожумаа + өскертилгэ кожумаа; дазыл + өскертилгэ кожумаа + немелде үн + өскертилгэ кожумаа; дазыл + чогаадылга кожумаа; дазыл + чогаадылга кожумаа + өскертилгэ кожумаа; дазыл + хевир тургузар кожумак; дазыл + хевир тургузар кожумак + өскертилгэ кожумаа.

3. Дараазында ийи сөстүң төрөл сөстер болгаш грамматиктиг хевирлериниң одуругларын аңгылай тургузар: алгы, ыят.

4. Сөзүглелден холбаалыг дазылдыг сөстерни ушта бижээш, хостуг дазылын скобка иштинге бижиир.

Шыянам ам. Час-даа дүшкен. Изиг чурттарже чораан күштәр дедир ужуп чедип келген. Долгандыр бүгү бойдус оттуп эгелээн. Аар доштар адаанга оожум шулурашкан дамырактар кыңгырткайнып бадып чыткылаан. Бир-ле катап тайгага

кыпсынчыг алғы үнген. Ол тайга ээзи — Хайыракан-дыр. Кышты өттүр уdup қыштааш, ижээнинден оон үнүп келгени ол. Даамчырадыр уdup каапкан болгаш Хайыраканың шугулу-даа аажок. Хенертен, та кайын-на чүве ийик, хөглүү кончуг Күскежик бо көстү хонуп келген. Хайыракан донгайгаш, Күскежикти тудуп чиптер бодаан. Ынчалза-даа аңаа ыядынчыны кончуг ышкаш сагындырган. Ынчан ол буду-бile Күскежикти таварыпкан. — Чүү дээш мени хомудадырыц ол, Хайыракан? — дээш, Күскежиктиң карагтарының чажы саагайны-ла берген. — Ыыттава — деп, Хайыракан мөөрээн, — а оон башка душ бооп сени боскумче ажырыптарым чадавас. — Кым билир, сенээ херек апаарым чадавас — деп, Күскежик химиренгеш, үнгүрүнчे куураш-ла дээн. (Тыва улустун «Күскежик» деп тоолундан)

III. ТЫВА ДЫЛДЫҢ СӨС ЧОГААДЫЛГАЗЫ, ООН КОЛ АРГАЛАРЫ

Тыва дылда сөс курлавырын байыдарының ийи аргазы бар.²

1. Дылдың бодунун курлавырын ажыглап, чаа сөстер чогаадыр;
2. Өске дылдардан үлгөрлөп алыр.

Дылдың бодунун курлавырынга даянып, сөс курлавырын хөгжүдеринин дараазында аргалары бар.

Кожумактыг база каттыштырылга аргалары

Кожумактыг (морфологтуг) арга дээрge сөстүн дазылы, бир болза дэзүнгэ чогаадылга кожумактарын кожуп тургаш, чаа сөстү чогаадыры, оон модели:

^+λ азы ^λ +λ, чижээ, бода+л, ада+лга, сан+a+л, бижис+к+тиг.

Үк арга тыва дылда кол арга болгаш калбаа-бile ажыглаттынып тураг. Чаа сөстүн кандыг чугаа кезээнден

² Монгуш, Д.А. Совет үеде тыва дылдың хөгжүлдэzi / Д.А. Монгуш, Ш.Ч. Сат. – Кызыл, 1967. – С. 48-78.

укталганын барымдаалап, дараазында модельдерин тодарадып болур:

1. Чүве ады + *λ*: *эмчи, аалчы, сугла, чугаала, хамна, имне, аалда, сүтте, сана, дуза, аъттыг, билзектиг, эштиг, номнуг, хемнег, хаялыг, тараазыг, ышсыг, чугаакыр, өөрзек, оккулаштар, атташи, сүггар, оъткар, эйтсире;*

2. Кылыг сөзү + *λ*: *идегел, хомудал, агым, базым, аргыкчы, көрүкчү, чагыг, бижимел, чарык, дежик, ажыткы, деткимче, түткүүш, ааткыыш, иткиси, чедишитир, хомудаачал, кээргээчел;*

3. Демдек ады + *λ*: *көгер, карап, агар, экидир, чараишын, калбакта;*

4. Сан ады + *λ*: *ийиле, чаңгыста, чусте, онна, үжелээн, бежелээн;*

5. Оттүнүг сөзү + *λ*: *хөлуре, дызыра, чиндиңне, агарапна, көгерене;*

6. Ат орну + *λ*: *менгилештир, сенгилештир, бискилешири, олгулаштыр;*

7. Наречие + *λ*: *дүүнгү, бертенги, эртенги, хундууску, амгы, даартагы;*

8. Аян сөзү + *λ*: *уелаан, халактаан, курайлаар, ураалаан, мөөлээн.*

Каттыштырылга (синтаксистиг) арга дээрge иийден хөй сөстерниң дазылының каттышканындан чaa сөстөр тургузар арга, ooң модели: Ч+Ч: *честек-кат, ада-ие, ала-буга, уран чүүл, тос карак, Улуг-Хем, Шевер-кыс, Үттүг-Хая, Ак-Төш; Сарыг-Чадырлыг Баалык, Чaa-Оваа-Арт, Сарыг-Сиген Ховузу.*

Каттыштырылга аргазы тыва бижик тыптып, литературлуг тыва дыл үндезилеттинип эгелээниниң баштайгы чылдарында калбаа-бile ажыглаттынып эгелээн,³ ooң кол чылдагааны амыдыралда чaa чүүлдерни делгереңгейи-бile тайылбырлап, оларның ады кылдыр ийи азы оон хөй сөстерниң

³ Д.А. Монгуш, Ш.Ч. Сат Совет үеде тыва дылдың хөгжүлдэзи – Кызыл, 1967. – С. 55.

каттыжышкыннарын ажыглап эгелээни болуп турар. Чижээ, улуг-хүн, баш-кызар, ак-чоорган, ужар-хеме, моюн-ораар, чаьска-кедер, чунар-бажың, биче сек, кадар демдек, кываар чүүл, агаар медээзи, хол бөмбүү.

Синтаксистиг арга-бile укталган дөстүг сөстерни тургuzuунуң айы-бile дараазында бөлүктөрge чарып турар:

1. Нарын сөстер (тодаргай чүвениң адын илередип чоруур, чаңгыс лексиктиг уткалыг, кезектерин тудуштур азы аңгы адааның айы-бile дефистеп азы аңгы бижиir сөстер): *актараа, көк-кат, будук-базар, өргө-мунаар, шагар-оът, кыярсиген, демир-орук, уш-булуң, Бий-Хем, Уш-Көжээ, Өшкү-Саар, Кыс-Халыыр; акша хавы, маадыр чорук, Кара далай, ужар чүүл, кадык камгалалы, эгэ сөс, садып алыкчы, баш таарыыр чер*.

2. Эжеш сөстер (кандыг-бир чүвени чыгган, бөлүктээн, түңнээн уткалыг сөстер): *аяк-сава, уруг-дарыг, дөргүл-төрел, ада-ие, эжик-дүндүк, арга-яыш, идик-хеп, аыш-чем, ажы-төл, бажың-балгат, эши-өөр*.

3. Кезектери эзилдир тутчу берген нарын сөстер: *коккаарак, Аккал, Мойнак, саржаг, сарала, эргежек, хөлчөк, бертен, даарта, эккээр, аппаар*.

Синтаксистиг арга-бile тургустунган сөстерниң кандыг чугаа кезектериниң каттышканын барымдаалап, модельдерин база тургузуп болур, чижээ,

ч.а. + ч.а.: *ада-ие, акы-дуңма, ыяш-даш, алдын-мөңгүн, орун-дөжек, аяк-сава, Дус-Хөл, хана-солун, солун-сеткүүл;*

д.а. + ч.а.: *Ажыг-Сүг, Ак-Довурак, Биче-оол, уран чүүл, тыва дыл, Каң-кыс, демир-үжүк, Сарыг-Сиген, Кызыл-Уруг, Мөңгүн-Тайга;*

ч.а. + к.с.: *Хүн-Көрбес, дии-чур, моюн-ораар, будук базар, Өшкү-Саар;*

к.с. + ч.а.: *чунар-бажың, Ужар-оол, садып алыкчы, шагар-оът, кываар чүүл;*

с.а. + ч.а.: *үш-булуң, беш-адыр, Ийи-Тал, Чангыс-Хадың, Чеди-Хаан, Чеди-Хөл;*

с.а. + с.а.: *ийи-үш, дөрт-беш, он-чээрби, беш-беш, мун-муң, он ийи, чүс бежен.*

Ол ышкаш синтаксистиг арга-бile тургустунган сөстерниң иштики лексиктиг уткаларын барымдаалап, дараазында бөлүктөрин тодарадып болур:

1) чоок уткалыг сөстерниң каттышканы: *чөр-чурт, аргаяш, салым-чол, ном-дептер, садыг-магазин; ясли-сад, чылгы-мал, кат-чимис, им-демдек;*

2) удурланышкак уткалыг сөстерниң каттышканы: *изиг-соок, үнер-кирер, аныяк-кырган, бадар-чоктаар, улуг-биче, адай-ие, арай-хураган, удур-дедир;*

3) харылзашкак уткалыг сөстерниң каттышканы: *стол-сандай, акы-дуңма, хол-бут, идии-сава, үжүк-бижик, эртем-билиг, солун-сеткуул;*

4) кайы-бир сөзү амғы тыва дылда тускай утка илеретпес: *бажың-балгат, бот-борзун, аыш-чем, уруг-дарыг, ажы-төл, сава-санға, үре-сады, мал-маган;*

5) бирги сөзү ийиги сөзүн тодарадып чоруур: *шагар-оът, Улуг-Хем, үш-булуң, чунар-бажың, дии-чуур, Дус-Даг, Мөңгүн-Тайга, Ак-Довурак;*

6) изофеттиг каттыжышканы тургузулуг: *киш-кулаа, ыт-кады, бөрү-кады, инек-караа, уруглар сады, сыртык хавы, чоорган карты.*

Лексика-семантигтиг арга

Лексика-семантиктиг арганың дузазы-бile укталган сөстер иий хевирлиг:

1. Кандыг-бир сөстү эрги азы баштайгы утказындан аңғыда чаа уткага ажыглаары. Чижээ, *башкы* – а) шажын суртаалын нептередир, төвүт дыл кырында шажын номун айтыр ламаны чоннуң хұндүлөп адааны;

б) шылгарангай удуртукчу, чурт башкарыкчызы;

в) уругларны үжүк-бижикке өөредип, эртем-билиг-бile чепсегләэр тускай эртемниг кижи.

Ном – а) судур – шажынның тоолчургу чугааларын, сагыыр дүрүмнериң, суртаалын чынып бижээн;

б) парлаттынган чечен чогаал; в) өөредилге дептери; г) бажың дептери.

Дагыл - а) бурган баарынга өргүл кылдыр аыш-чем салыр бичии хола аякчыгаш;

б) сүт тыртар машинаның барабанының иштинде дежик дүптүг аякчыгаш хевирлиг херексел.

2. Кандыг-бир сөстү доорт утказындан ангыда доора уткаларга чеченчилик ажыглаары. Чижээ, *кара* 1. чырык эвес өң ады. *Кара хөө*. 2. *доора*. мунгаргай. *Кара бодалдар*. 3. *доора*. каржы. *Кара сагыштыг*. 4. *доора*. аар. *Кара ажыл*. 5. *доора*. хар чок. *Кара кыш*. 6. *доора*. бөдүүн. *Кара чугаа*. 7. *доора*. көвей. *Кара шаар*. 8. *доора* бай эвес. *Кара өг*. 9. *доора*. көк-тараадан кылган. *Кара хлеб*. 10. *доора*. ажыы-бile. *Ак кара чокка чугаалажыр*.

Конверсия аргазы, ооң хевирлери

Конверсия (лат. *conversio* – ёскертилгө, шилчилгө) дээрge домакка азы чугаага кандыг-бир чугаа кезээн өске чугаа кезээ уткалыг ажыглаары.

Конверсияның ийи хевири бар: окказионалдыг – түр када, узуалдыг – кезээде, бо-ла ажыглаары, словарьда быжыга берген.

Конверсия аргазы-бile укталган сөстерниң хевирлери:

- субстантивация, (чүве адынчы шилчири);
- адъективация (демдек адынчы шилчири);
- адвербиализация (наречиеже шилчири);
- вербализация (кылыг сөзүнчө шилчири);
- прономинализация (ат орунчы шилчири).
- препозиционализация (предлогтарже шилчири);
- конъюнкционализация (эвилелдерже шилчири);
- партикуляция (артынчыларже шилчири).

Тыва дылда чүгле баштайжы үш хевир таваржып турар.

1) Субстантивация (лат. *substantivum* – чүве ады) – конверсияның бүдүрүкчүлүг сөс чогаадыр аргазы: домакка азы чугаага өске чугаа кезээнин чүве ады уткалыг ажыглаттынары.

Субстантивация ийи хевирлиг: долу база долу эвес [Розенталь 2001: 542-543].

Долу субстантивация – демдек адының долузу-бile чүве адынчы шилчээш, демдек ады уткалыг ажыглаттынмазы. Чижээ, орус дылда, *портной*, *дневальный*, *служивый*, *гостиная*, *пирожное, приданое*.

Долу субстантивацияның чижектери тыва дылда таварышпайн турар.

Долу эвес субстантивация – демдек адының чүгле кандыг-бир домакка азы чугаа үезинде чүве ады уткалыг ажыглаттынары.

Тыва дылда долу эвес субстантивацияга шынарның болгаш хамаарылганың демдек аттары таваржып турар, чижээ,

Ажыл-үүле сынын чазаан чаражым. С. Сарыг-оол

Эң-не баштай сени көргеш, элдепсинген **чалышлыр** хөй. С. Сарыг-оол

Кырганнаар бот-боттарынче удур-дедидир көрушкөш, барык хары угда адап дүжүрген. В. Монгуш

Чазанылкан, кеттинилкен ураным,

Чазын үнген чечек ышкаши Дарыймаам. С. Сарыг-оол

Херелдиг хүн баалык ашкан чүгүрүк дег,

Узун дынын тырттырбайн кулбуртупкан. О. Сувакпит

Сеткил чечээн дарганнып каан шеверлер бар. Е. Танова

Узуалдыг болгаш окказионалдыг конверсияның долу эвес субстантивация хевирин үлгер домактарда калбаа-бile ажыглап турарын дараазында чижектер бадыткан турар:

Чечен менде, чечек черде.

Ядынын бай кээргевес.

Бак келзе, туттунма, *эки* келзе, салдынма.

Өттүнчек өөренир, *өжеш* өөндөлевес.

Чассыдарда чаш белен.

Тыва дылда долу эвес субстативацияга сан аттары, кылыг сөстери база таваржы бээр, чижээ, *Иий дугаар* эккелген – иий дугаар – «чем» деп уткалыг. *Кырган бергедээн* – деп **бир** сагындыра аарак чугаалады.

Човаары дурген, чыргаары оожум (ү.д.). *Кирген-үнген аяк шайны амзааш баарлар.* (Х.) *Санал бергеннер демдеглээннер.* (В.М.) *Мурнааның мөрүзү, соңнааның шорузу.* (ү.д.). *Күээнин чедер, суроанын тывар.* (ү.д.)

2) Адъективация (лат. adjectivum – демдек ады) – тыва дылда домакка азы чугаага чүве адының демдек ады уткалыг ажыглаттынары.

Тыва дылда колдуунда чүве аттары хамаарылганың демдек ады уткалыг ажыглаттынар, чижээ, *алдын* «металл ады» – *алдын холдар, алдын күс; мөңгүн* «металл ады» – *мөңгүн*

билзек, мөңгүн куда; даши «порода ады» – даши чүрек, Тыва «чурт» – тыва дыл, маадыр «кижи» – маадыр чорук.

1) Адвербиализация (лат. adverbium - наречие) – домакка азы чугаага кандыг-бир чугаа кезээнин наречие уткалыг ажыглаттынып, чувенин шынарынын азы кылдынынын ылгавыр демдээн илередири.

Үк айтырыгга хамаарыштыр эртемденнерниң бодалдары чаңгыс аай эвес болгаш ам-даа маргылдаалыг болуп арткан айтырыгларның бирээзи.⁴

Адвербиализацияга тыва дылда чүве аттары, кылыг сөзүнүң деепричастие хевирлери, демдек аттары, ат оруннары, сан аттары таваржыр, чижээ, *Кежээ дүшкен. – кежээ келир; баштап тураг – баштап кылаштаар, амыраптур – амырап чугалаан; эки кижси – эки харылаан, аас-кејсиктиг чаштар – аас-кејсиктиг чурттаар; чеделээ – чеделээ кылыр, ужелээ – ужелээ четкен.*

Устунде көргөн чижектеривисти Ф.Г. Исхаков биле А.А. Пальмбах конверсиянын түңнелиндө тывылган омонимияның бир хевири деп айыткан.⁵

Хураангайлаашкын база хоолгалаар аргалар

Хураангайлаашкын (итал. abbreviatura – кыска) – сөс каттыжышкынының эге үжүктери азы слогтарындан тургустунган сөстер.

Тыва дылдың сөс чогаадылгазынга 1930-1940 чылдарда оруус дылдың салдары-били тывылган.

Хураангайлаашкын аргазы-били тургустунган сөстерниң хевирлери:

1. Сөстерниң эге үжүктөрүндөн тургустунган: *TAP – Тыва Арат Республика, TAPH – Тыва Арат Республиканың намы, TP*

⁴ Сат, Ш. Ч. Амги тыва литературулуг дыл / Ш.Ч. Сат, Е.Б. Салзынмаа. – Кызыл, 1980. – С. 216; Даржа, У. А. Наречия в тувинском языке / У.А. Даржа. АКД. – Москва, 2005. – 22 с.; Куулар, К. Б. Тыва дылда наречиелерний чогаадылгазы / К.Б. Куулар // Башкы – 2000. - №5-6. – С. 11-12.

⁵ Исхаков, Ф. Г. Грамматика тувинского языка. Фонетика и морфология / Ф.Г. Исхаков, А.А. Пальмбах. – Москва : Изд. Вост. лит., 1961. – С. 179-183.

– Тыва Республика, ТКУ – Томскиниң күрүнө университети, ГШИ – Гуманитарлыг шинчилдер институту;

2. Сөстерниң эге слогтарындан тургустунган: *хоорком* – *хоорай комитети*, *райкууском* – *районнуң күүседикчи комитети*, *колхоз* – *коллективтиг хозяйство*, *филфак* – *филология факультети*;

3. Сөстерниң эге үжүктери болгаш слогтарындан тургустунган: *аревэ* – *аныяктарның революстук эвилели*, *ТывКУ* – *Тываның күрүнө университети*;

4. Бирги сөстүң эге слогу биле бүдүн сөстен тургустунган: *курбанк* – *курунө банкызы*, *хоорсовет* – *хоорай соведи*, *райсовет* – *район соведи*;

5. Ады биле адазының адын хураангайлааш, фамилиязын долузу-били берген: *С.А. Сарыг-оол*, *Ш.Ч. Сат*, *Б.И. Татаринцев* азы *M. Мунзук*;

6. Чамдык нарын фамилиялар азы черлер аттарының бирги сөзүнүң эге үжүү биле ийиги долу сөстен тургустунган: *О-Шынаа, У-Шынаа, Охемчик*.

Хоолгалаар (калька *фр. caigue* – копия, өттүнүг)⁶ – өске дылдың сөзүн азы сөс каттыжышкынын дорт, бир болза кезектерин сүрүп очулдурапы. Калька аргазы-били тывылган сөстерниң хевирлери:

1. **Лексиктиг калькалар** – өске дылдың сөс чогаадыр моделин хажытпайн, дорт очулдурганындан тывылган тыва сөс: лат. *pronomen* («кат орнунга») > *местоимение* > ат орну; орус *самокритика* > бот-шүгүмчүлел; орус *летчик* > ужуудукчу; орус *горячий привет* > изиг байыр; орус *дать слово* > сөс бээр; орус *добро пожаловать* > кирип моорланар; орус *автобиография* > бот намдар; орус *политпросвещение* > политчырыдышкын; орус *перестройка* > эде тургууушкун; орус *холодильник* > соодукчу.

2. **Семантиктег калькалар** – даштыкы дылдың салдары-били сөстү доора уткага ажыглаанындан тывылган сөс, чижээ,

⁶ Розенталь, Д. Э. Словарь-справочник лингвистических терминов / Д.Э. Розенталь, М.А. Теленкова. – Москва : Астрел-АСТ, 2001. – С. 159-160.

орус *утонченный* 1) чарап: чарап аажы-чаң; фр. *raffine* деп сөстүң салдары-бile; 2) нарын «изысканный» деп утказы тывылган: нарын чем, нарын шилилге.

3. Фразеологизм калькалар – өске дылдың быжыг сөс каттыжышкынын дорт очулдурғаны-бile тывылган фразеологизм, чијкээ, фр. *prendre les mesures* > принять меры > хемчеглер алыр; золотая свадьба > алдын куда; яблоко раздора > бактажышкын яблогу; на носу > думчук кырында; на пару слов > чүгле ийи сөс; калиф на час > чанғыс шакта калиф; золотые руки > алдын холдар.

Изоляция база холушкак аргалар

Изоляция аргазы⁷ (фр. *isolation* ангылаар, тускайлаар) – кандыг-бир чугаа кезээнге хамааржып чамдык сөстерниң грамматикиг хевириниң амгы дылда өске чугаа кезээ кылдыр быжыгып азы турумчуп артканы.

Амгы тыва дылда ук арга-бile тывылган сөстерниң чижектери:

1. Алгы сөстери бооп быжыккан сөстер, бодунун үезинде демдек аттары турган: *байырлыг, экии;*

2. Наречие бооп быжыккан сөстер а) кылыг сөзүнүң деепричастие хевирлери: *баштай, катай, катай-хаара, катап, тоо-быдарады, орайтай, кежээликтей* дээш оон-даа өске;

б) демдек аттарынга Б.п., Т.п. кожумактары немешкенинден: *деңге, чигге, будунге, соокка, бакка-сокка;*

в) Т.п., Х.п. чүве аттары: *шагда, шаанды, биеэде, хейде; чылдың келир, хүннүң ужуражсыр, дүнениң-не ээрер;*

г) кылыг сөзүнүң болбас хевири: *чадавас; Т.п. причастие хевири чадаарда;*

д) кылыг сөзүнүң кызыгаарлаар наклонение хевири: *келбиже, дужса келбиже, тептиже;*

е) Т.п. айтылганың ат оруннары: *дүгде, ында, мында; У.п. ол, бо деп айтылганың ат оруннары: оон, моон;*

⁷ Куулар, К. Б. Тыва дылда наречиелерниң чогаадылгазы / К.Б. Куулар // Башкы – 2000. - №5-6. – С. 12.; Сат, Ш. Ч. Амгы тыва литературулуг дыл / Ш.Ч. Сат, Е.Б. Салзынмаа. – Кызыл, 1980. – С. 216

3. Айтылганың ат оруннары кылыг сөзү хевирлиг ажыглаттынып тургаш, амғы тыва дылда эвилелдер бооп быжыга берген: *ынчалза-даа, ынчангаши*.

Холушкак аргалар – ийиден хей үстүнде көргенивис аргаларның катышканы-бile тургустунган сөстер. Оларның хевирлери:

1. Морфолог-сintаксистиг арга, моделдери: ^+^+Δ; ^+Δ^; ^+Δ+^+Δ.

Чижээ, *ажы-төлдүг, аас-кеjсиктиг, артыши-чойгандыг, угаан-бодал, эм-домнаар, делегей көрүшкүнү, эртем-билиг, бижик-билиглиг; Дыттыг-Арыг, изиг-соок, өөрүшкү-маңтай, тоолчургу чугаа, Дээрлиг-Хөл, Ырлаар-Кадай, эрте бурунгу; изиг-изиг, чугаалап-чугаалап, ырлан-арлан, аттыг-чарлыг,*

2. Морфолог-лексика-семантиkitиг аргаларның катышканы: *тудукжыс* – 1) морфологтүг: тут-уг-жу; 2) лексика-семантиkitиг: эрги утказындан аңгыда чаа уткалыг: а) сааттыг хөрээжен кижиниң чиигээринге дуза чедирер кижи; б) тудук кылып ажылдан турар кижи.

3. Сintаксистиг болгаш хоолгалаар аргаларның катышканы: *куш-хуну* (трудодень), *көдээ совет* (сельский совет), *изиг байыр* (горячий причет), *демир-орук* (железная дорога), *политчырыдыышын* (политпросвещение).

Сөс чогаадылгазынга мергежилгелер

Мергежилge 1. Кожумактыг арга-бile дараазында модельдер ёзугаар тургустунган чүве аттарын чогааткаш, кожумактарның бүдүрүкчүлүг, бүдүрүкчүлүг эvezин тодарадынар.

1. Чүве ады + -чи, -чи, -чу, -чү, -жы, -жи, -жу, -жү;
2. Чүве ады + -чиын, -чин, -чун, -чүн;
3. Кылыг сөзү + -кчи, -кчи, -кчу, -кчү; -ыкчи, -икчи, -укчу, -үкчү;
4. Кылыг сөзү + -г, -ыг, -иг, -уг, -үг;
5. Кылыг сөзү + -л;

Мергежилge 2. Кожумактыг арга-бile тургустунган демдек аттарын айттыңар. Оларның морфемниг сайгарылгазын кылыңар.

Күжүр өңүүм, тыва сөөктүг херээженден
Күскү өйде төрүттүнген эжин-дир мен.
Хүннээректээн мээн черим уруглары
Күзел ышкаш, чараш чаагай кыстар чүве.
Чалыны кыстың шырайынче топтап көр даан,
Чажыды чок, хову ышкаш, ажык чырык.
Ынчалза-даа чымчак көрүп, басты бербе,
Ынакшылың акша ышкаш сыгай бербе.
Делгем хову, кадыр даглар тыва кызы
Дендии бөдүүн, аржаан суу дег арыг-чаагай.
Сузу хадаан эрлер аңаа бырашпас-даа,
Чуттуг багың көргүссүнзэ, бодун шорун!
От-көс ышкаш эрес эрге кыстар ынак,
Ооң-бile оранны-даа одурту бээр.
Ояланың дынын сенээ тутсу кааптайн,
Оргу шөлчө ыдып берген альтыг кыстан
Чыда калбайн, чыпшыр чедип, сүрүп көрем.
Шыдазыңца – эр хей боор сен. Ынчан харын,
Эрес кайгал, шыдамыккай тыва кыстың
Эзир ышкаш, чоргаар түрлүүн билип аар сен.

А. Даржай

Мергежилge 3. Дараазында кожумактарны ажыглап, демдек аттарын чогаадыңар: -лыг, -лиг, -ныг, -ниг, -тыг, -тиг, -дыг, -диг; -ги, -ки, -сыг, сиғ, -зыг, -зиғ; -ыычал, -иичел. Укталган демдек аттарының дазылы кайы чугаа кезээнге хамааржыр-дыр, тодарадыңар?

Мергежилge 4. Укталган дөстүг сөстерниң кайы чугаа кезээнге хамааржырын тодараткаш, кырынга укталган аргазын айтдыңар.

Алды баштыг Кара-Дагны
Аал-ла кылып алышылыңар.
Алызында барып-барып,
Амыр-шөлээн чурттаалыңар.
Чеди баштыг Кара-Дагже
Четтирбейн бараалыңар.
Алды баштыг Кара-Дагже

Алдыртпайн бараалыңар.
Тудар дээн-дир, хоруур дээн-дир
Туттурбайн бараалыңар.
Туругларлыг Кара-Дагже
Дургуннай-ла берээлиңер.
Кашпал кадыр Кара-Дагны
Кансы кылып алышыныңар.
Оорарган Оргу-Шөлдү
Олбук кылып алышыныңар. (Тыва улустун ыры)

Мергежилгэ 5. Кожумактыг арга-бile тургустунган кылыг сөстөрин тургузуунун аайы-бile сайгарыңар.

Чээргеннээр, бызаа кадаар, суглаар; анай, хураган ыдар, тудар; аrbай, тараа хоорар, соктаар дээш ажыл-хүлээлгэң улам немежип-ле олуар. А ол-ла ажылдарны кылырда, угбадуңмаларың-бile, кады өглерниң уруглары-бile маргыжар болгай. Эки ажылдантарга, чүгле өөң ишти, аалың ишти билир эвес, а харын кожа аалдар ишти мактап чугаалажы бээр, үнген-кирген чон безин көрүп, магадап чанар. Ажы-толу ажыл билбес, чалгаа, чассыг, уйгужу улустун bak адь черле чытпас. Уругдарын безин чемелээрде, «дөө кымыйлар ажы-төлү ышкаш» деп дөмөйлээн олургулаар. «Дуза када берген» деп сөс кижиге – чашка дээди чоргаарал!

С. Сарыг-оол

Мергежилгэ 6. Кожумактыг арга-бile тургустунган сөстөр кайы чугаа кезээнгэ хамааржырын тодараткаш, оларның төрел сөстөринин одуруун тургузуңар.

Төрээн Тывам кижилери – бойдузу дег,
төрелзирек, демнig, бөдүүн, эгениичел.
өөрзүрек, эриг баарлыг, чылыг сөстүг
өгбелерниң хостуг, чоргаар чаңын салбас.

Тыва кижи өөрээнде, муңгараанда
ишти-хөңнүн чавырып ап, тыртый чоруур.
Тыва кижээ үнүш-бойдус шуптуу дириг –
Йөрээп чоруур, сагып чоруур ыдыны болур.

В. Сарымбуу

Мергежилге 7. Даразында сөстерни тургууунун аайы-
биле сайгаргаш, оларда кандыг кожумактар таваржып турарын
тодарадыр.

Быштак, суксун, дискек, ортулук, чаңчыл, илбек, күшкаш,
сайзанақ, шөйүндү, чемиш, амытан, дүжүт, моюндурук, белдир,
думчук, чаңчыл, көстүк, докпак.

Мергежилге 8. Даразында сөзүглелдерде хевир тургузар
кожумактарны тыпкаш, оларны шыйыңдар.

Анайларым — эреспейлер,
Аалым каазы — хөглүгбейлер.
Чаа чылдың Шагаазынга
Чараштанып, дериттинген
Эзим чурттуг шивижигеш,
Экивенцер, экивенцер!

О. Сувакпіт

Диизеге сүттү куткаш,
Дииспейге салып бердим.
Дылчыгажын кызаңнадыр
Дыка таалап ижип алды.

Е. Танова

Өжеш-өжеш, өжешпей,
Өдөржок-ла чаңныгбай.
Элек-элек, элекпей,
Элдеп чаңгын элдеппей.

Э. Кечил-оол

Авай, авай, авакыжым,
авазынган авакыжым.
Авайымдан арта берген
Ааттынган кавайымны.

(Улустуң ыры)

Чеди өңүңгүр чөләэш ышкаш
падежтерге
чөргөлешкен хоюг сөстер
хөөрежиргө,
чараш шүлүк ала чайгаар
төрүттүнер,
шаа барып аялгалар чаяаттынар.

М. Ооржак

Мергежилге 9. Даразында сөстерни ажыглап,
катыштырылга аргазы-бile тургустунган эжеш сөстерден
чогаадыңдар:

Уруг, эш, ада, төл, акы, чем, сава, бажың, орун, ан, анай, айт, ном.

Мергежилге 10. Сөзүлдөн каттыштырылга аргазы-бile укталған сөстерни темалығ бөлүктөриниң айы-бile ушта бижээш, дужунга оларның тургустунган моделин айтыңар. Чижээ, өөредилгө херекселдери: *демир-үжсүк* – д.а. + ч.а. Каттыштырылга аргазы-бile тургустунган сөстерни шын бижилгезиниң айы-бile канчаар бөлүктеп болуул?

– Үш-Белдирни долгандыр кандыг-кандыг, чүү-чүү каттар барыл? Адын билир шааң-бile адавыдам чээ.

– Дөгерезин билир мен: көк-кат, киш-кулаа, инек-караа, кызыл-кат, кара-кат, казылган, кызырак-караа, чадаң-кат, кускун-кады, дая-кады, ыт-кады, честек-кат, мыжыраш-кат, чодураа, долаана, борбуяк, ыргай-кады дээш-дээш оон-даа өске.

– Шымбай-ла-дыр сен. Бир эвес билирин күзээр болзуңза, артыш-кады, шаанак-кады, адыг-кады дээр эм каттар база бар.

– Че, сен ындыг-ла кончуг болзуңза, мында кандыг-кандыг мөөгүлер барыл? Адап көрем чээ.

– Хм... Оларны тывалар шаандан тура ажаап чивес чораан болгаш алдаржываан-дыр. А мен ону орустап, оон очулдуруп-даа тургаш адап, ажаап чип билир кижи-дир мен. Хөлчок чиксээр, чиirim-даа аажок. Бээр дыңна, төрээн: ак мөөгү (белый гриб), хадың мөөгүзү (подберезовик), шарлан мөөгүзү (подосиновик), саржаг-хавы (маслёнок), мангырак (грузь), төш мөөгүзү (опенок), хүргүлбей (рыжик), дилгижек (лисичка), чигге чиир (сыроежка), агаран (белянка), чингиспей (моховик), өдектүнү (шампиньон) суг-суг дээш чүс-даа ажыг янзы-бүрү мөөгү бар. Ёзулуг-ла карак-бile көрүп, хол-бile чыып, үүжелеп, дузап, кургадып, ол дораан үске хаарып, быдаалап ижип өөрени берзивиссе-ле, оон ады-даа, амдан үнези-даа боду-ла тыптып келир-дир ийин. Кандыг-даа хоолулуг, эм витаминниг чемнер бо арга-алаактарда ирип чыдар-дыр. С. Сарыг-оол

Мергежилге 11. Дарагында модельдер ёзугаар тургустунган нарын сөстерниң чижектөри тургузунар:

- удурланышкак уткалыг сөстерден тургустунган нарын сөстер;
- чоок уткалыг сөстерден тургустунган нарын сөстер;

- харылзашкак уткалыг сөстерден тургустунган нарын сөстер;
- изафеттиг каттыжыышкын кылдыр (Х.п. ч.а. + хам. хевиринде ч.а.) тургустунган нарын сөстер.

Мергежилге 12. Дараазында модель ёзугаар тургустунган нарын тургузулуг хуу чүве аттарының чижектерин тургузунар:

ч.а. + ч.а.	д.а. + ч.а.	с.а. + ч.а.
ч.а. + к.с.	ч.а. + д.а.	к.с. + ч.а.

Мергежилге 13. Кожумактыг болгаш каттыштырылга аргазы-бile тургустунган сөстерни тыпкаш, оларның кайы чугаа кезээнге хамааржып чоруурун тодарадынар.

Сайзанактаар. Кожа-кожа өглерни тип, ооң иштинде бүгүле эт-эдилелин: алтаралары, барбалары, орну, сыртыы, үлгүүрү, ширтектери дээш, ожук-пажындан эгелээш, тааржыр даштарлыг болур. Ону – даштарны даш-бile чуруп, сиилбип каастаар.

Ол өглерниң эр, хөрөэжен ээлери, уругларын база тывар, каастаар хөрек. Адак сөөлүнде ооң даштын, кажаа-хүрээзин тургузар. «Чараш-даш» дээр бүүректиг даштар чыыр. Оон ыңай төве, чылгы, хой ышкаш малдарны, ол-ла малдарның «ында додгурун, мында додгурун» чыып, мал кылыш. Инек, сарлык-ла колдуунда даштан алдынар.

Ооң соонда ол сайзанак ээлериниң харылзааларын чорудар: аалдажыр, кудалажыр, садыглажыр, кел дижип чалажыр, шайлажыр болгай. А ол даш кижилер чугаалажы албас, шимчевес болганда, оларның орну бооп демги ойнаан уруглар күүседир. Ында чугаакыр, сүмечи хүндүлүг өгбелер: каас, аянныг, томааныг, чараш хөрөэженнер; кайгал, эрес, сыңзыг эрлер дээш, кенен, перүк, ыядыычал, шоваа, тенек ажытөл дээш кымнар чок дээр. Оларны ол хөвээр көргүзөр апаар. Мендилижири, таакпылажыры, аяк тудары безин онзагай болгулаар.

С. Сарыг-оол

Мергежилге 14. Лексика-семантиктег арганың дузазы-бile сөстү дорт утказындан ангыда доора уткага чеченчилип ажыглаанындан укталган сөстерни тывынар. Оларның дорт болгаш доора уткаларын тайылбырлаңаар. Өске арга дузазы-бile укталган сөстерни тыпкаш, тургузуунун айы-бile сайгарынар.

Дангаар эртен чайлаг бүдүнгэ оттуп келген. Инекти саап дооскаш, өшкүнү база чап-чаа-ла одарларже үндүрүп эгелээн.

Бедик доруг аyttыг, сүүр тейлиг оваадайлыг оол хамык инекти аалдың алды чарыында алаңгыштыг, малдырганынг өзөнни өру ырлавышаан, кыйгырыбышаан сүрүп үндү.

Кажаада хөй өшкүнү ажыдыптарга, аал коданы шыкта, дус төккен дөнде чапты берди. Бир талазында бичиижек шоодай хап, бир талазында дүүрге чүктээн, эрги куу шляпалыг, көк даалымба хөйлен, чувурлуг Хойтпак-оол ашак өшкүнү алдан үндүр сүрүп эгеледи. Ооргазы мөгейтирик кырый берген-даа болза, чиик, кашпагайы хат-салгын дег: даады-ла шошкуй аарак кылаштаар.

С. Сарыг-оол

Мергежилге 15. Лексика-семантиктиг арганың дузазы-бile сөстүү эрги азы чаа уткага ажыглаанындан тывылган сөстерни тодарадыңар. Оларның эрги база чаа уткаларын тайылбырлаңар.

Дун уруун божуур аныяк иениң эъди аараанындан бээр удаажырай берген. Ол херип каан тыртыгдан туттунар-даа, човууртаар-даа харыы чок апарган. Өл-чам чуве шагда-ла бада берген, а уруг чаларавастаан. Чалаткан тудугжу кадай база саадай берген. Ол чоокта тудугжулапкы дег кижи бар эвес. (Е.Т.) Башкы – бедик билиглиг эртемденнергэ болгаш шажынчы дагдыныкчыларга тыпсыр ат-дужаал. Дагыл арамайлаары дээрge дагылдарны арыглап шеверлээри, ээлэндирери. (Ст.С.) Ном номчудар – «ном аштырар» деп база чугаалаар. (Ч.Ч.)

Мергежилге 16. Дараазында кандыг арга-бile тургустунган сөстерил, тодараткаш, домактардан чогаадыңар.

Улдуң, саанчы, тарылга, терге, дагыл, ном.

Мергежилге 17. Чечен чогаалдан лексика-семантиктиг арга-бile тургустунган сөстерлиг элээн каш домактардан ушта бижээш, ук сөстерни лексиктиг уткаларын тайылбырлаңар.

Мергежилге 18. Конверсия аргазы-бile тургустунган сөстерни тыпкаш, оларның кандыг чугаа кезээнче шилчий бергенин тодарадыңар.

Кежээниң мурнунда – мактал,
Чалгааның мурнунда – кочу. (Үлөгөр дөмак)
Сеткил чаражы – эп,
Чечек чаражы – шенне. (Үлөгөр дөмак)
Даг дег караны,
Довук дег ак базар. (Үлөгөр дөмак)
Дагалыг – тайбас,
Даңғырактыг – утпас. (Үлөгөр дөмак)
Улуун хұндұләэрин билбес,
Бичезин азыраарын билбес. (Үлөгөр дөмак)
Ойнарагын хепкериң аар
Орланымның өскенин.
Чараш кызын хепкериң аар
Чаражымның өскенин. (Көгүдүг)
Ағы актан артық,
Каразы киштен кара. (Тывызық)

Мергежилге 19. Конверсия аргазының субстантивация хевири-бile тургустунган сөстерни тыпкаш, кайы чугаа кезээниң чүве ады уткалыг ажыглаттынганын тайылбырлаңа.

Аткан даңыңың хаязында
Ачылыг хұн бакылап кәэр.
Арга-әзим, хоорай, суурда
Амыдырал дойлу-ла бәэр.

Амы-тынның хини тудуш
Авыралдыг чырык хұнум.
Агаар, сугда чыллы тудуш
Арлып читпес мөнгө хұнум.

Хұннұң чырыы – ие караа,
Хұннұң чыллы – ие чүрәэ.
Хұнум чокта амыдырал
Хұнұ-бile үстүп төнер.

Ч. Ондар

Мергежилге 20. Дараазында сөстер болғаш сөс каттыжышқыннарын чүве ады уткалыг ажыглап, дөмактардан чогаадыңа.

Ийи дугаар, сураан, чыглып келген, аштырган, үшкү, аныяқ, сонуургак.

Мергежилге 21. Домактарда хураңгайлаашкын аргазы-
биле тургустунган чүве аттарын чазып номчунар.

Бир катап ТАР-ның ССРЭ-де элчини Танов Седип-оол
чедип келгеш, Дақый-Сүрүңгө техникумга өөрөнмес сен, лама-
теократ кижииниң уруу ындыг черге өөренип болбас, дедир
чандырар деп медээ дыңнаткан... . Тывага келирге, Дақый-
Сүрүңү Кызылга арттырып кааннар. Чүгө дээргө оон
Москваниң КУТВ сургуулунда удавас доозуп кээр Торжу деп
душтуу оол турган.

Институттун литература факультединге өөренип кирдим.
Кысказы-билие литфак дээр. Литфактан ангыда, институтка төөгү
факультеди (истфак), физика-математика факультеди (физмат)
база тургулаан. Институтка өөренип тургаш, чүнү кылбадывыс
дээр. Күзүн өөренир дээш чыглып келгеш, хамыктың мурнунда
колхоз-совхозтарга дузалажыр дээш, дүжүт ажаап чоруптар бис.

Москвага чеде бээривиске, бисти комсомол Тыва
обкомунун секретарьлары А. Юмбуу, А. Танов, В. Бадарчы
суглар уткуп алдылар.

К-Э. Кудажы.

Мергежилге 22. Хураңгайлаан сөстерни тургустунган
аргаларының айы-билие бөлүктеп бижиндер.

Аревэ, РЭА, райкүүском, ТывКУ, КПИ, реванэ, ИХМ,
кожком, ТР, О.М. Хомушку, ТАР, пединститут, ДХ,
политчырыдышкын, НШХИ, күрбанк, А. Шоюң, О-Шынаа.

Мергежилге 23. а) Дараазында ажық эвес үжүктерден
тургустунган хураңгайлаан сөстерни үжүктер ады-билие
канчаар шын номчуурун транскрипциялап тургузунар.

ТР, МТС, КГБ, ТВ, ВЛКСМ, ГДР, РФ.

б) Ажық болгаш ажық эвес үжүктерден тургустунган
хураңгайлаан сөстерни канчаар номчуурул?

ТАР, ТАРН, ИХМ, МАР, КЭК, ТГШИ, МКУ.

Мергежилге 24. Дараазында сөстер болгаш сөс каттыжышкыннарын тыва дылче очулдурғаш, оларның тыва дылда канчаар тургустунганын тайылбырланар.

Сельский совет, имя числительное, Дом культуры, железная дорога, холодильник, физическая культура, горячий привет, летчик, дать слово, детский сад, радиослушатели, местоимение, добро пожаловать, один за всех, на носу, держать язык.

Мергежилге 25. Дараазында сөс каттыжышкыннарын орус дылче очулдурғаш, оларның тыва дылда канчаар тургустунганын тайылбырланар.

Идей-политикитиг, сөс алыр, хурал ажыттынган, өөредилгэ-кижизидилгелиг, класска ажыл, рынок экономиказы, өөредилге планы, Хүндүлүг бижик, төрүттүнген дугайында херечилел, хүн айтырыы.

Мергежилге 26. а) Дараазында сөстер кандыг ийи арганың дузазы-бile тургустунганын тодарадыңыр:

Үттүг-Хая, ажы-төлдүг, аас-кеҗиктig, артыш-чойганзыг, угаан-бодал, эм-домна, делегей көрүшкүнү, эртем-билиг, бижик-билиглиг; Дыттыг-Арыг, изиг-соок, өөрүшкү-маңтай, тоолчургу чугаа, Дээрлиг-Хөл, Ырлаар-Кадай, эрте бурунгу; изиг-изиг, чугаала-чугаала, ырлап-арлап, аттыг-чарлыг; Хүн-Көрбес, ырлаар-хааржак, садып алыкчы.

б) Ук сөстерни дараазында модельдар айы-бile чара бижинцер. Айыткан модельдерге таарышпас сөстерниң морфемниг сайгарылгасын кылышар:

^ + ^ + ^; ^ + ^ + ^; ^ + ^ + ^ + ^

Мергежилге 27. Дараазында сөстер болгаш турум сөс каттыжышкыннары каттыштырылга (синтаксистиг) база хоолгалаар аргаларның дузазы-бile тургустунган деп бадытканар:

күш-хүнү, ажыл хүнү, көдээ совет, изиг байыр, демир-орук, уруглар сады, телекөрүкчү, күш культура, хуралды ажыдар, бажыңга онаалга, хөрек демдээ, көдээ ажыл-агый, полит-чырыдышкын, дыштаныр хүн.

Мергежилге 28. Холушкак арганың дузазы-бile тургустунган иий сөстүң чижээш бергеш, домактан тургузунар.

Мергежилге 29. а) Сөзүглелде укталган дөстүг сөстерни тургустунган аргазының аайы-бile таблица же бөлүктөй ушта бижицер.

Кожумактыг арга	Каттыштырылга аргазы	Холушкак арга

б) хостуг болгаш холбаалыг дазылдыг сөстерни тыпкаш, холбаалыг дазылдарның кандыг фонетиктег болуушкуннүң түңнелде тыптып келгенин тайылбырлаңар;

в) ыяш, хар, сырын деп сөстерниң төрел сөстери болгаш грамматиктег хевирлериниң одуругларын тургузунар:

Төрел сөстер	Грамматиктег хевирлер

Дээр бораңнаап бүргээн. Соолаңнадыр бүргеп кээр сырын безин чок. Долгандыр шыпшиң-на чүве. Ынчап тургаш, кодан-майыктап дүжүрүп келген. Эзирик ол бүгүнү көргеш, кайтап-ла ханмаан. Дээрден улуг ак «сээктөр» чаржып бадып-ла турган. Оларның чамдыктары эзириктиң хаайынга кээп дүшкеш, дораан-на эстип калгылаар. Ол харын шалың-даа сагындырар. Үр-даа болбаан. Долгандыр бүгү чүве ак чайт болу берген. Ыяштарның будуктары-даа, бажыңың крышазы-даа ак хар-бile шыптынган. Эзирик дешкилеп ыңай болурга, оон даваннарының адаанда хар кыйырткайып чыдар. Эзирик өрү-куду дешкилеп, ынаар-ла эзим иштинче халып чоруй барган.

Х. Ойдан-оол

Мергежилге 30. а) Сөзүглелде укталган дөстүг сөстерни тургустунган аргазының аайы-бile бөлүктөй ушта бижицер;

б) кожумактыг, каттыштырылга база холушкак арга-бile укталган сөстерниң морфемниг сайгарылгазын кылындар;

в) тургузуунда немелде үн тыптып келген сөстерни тыпкаш, ук үннүң тыптып келген чылдагаанын тайылбырлаңар;

г) лексика-семантиктег арга-бile тургустунган сөстерниң кайы хевири сөзүглелде колдап кирген-дир, тодарадындар.

Кызыл кирип, улуг хуралга орден-хавыяя-бile шаңнаткаш келген соонда, Ыңаажык аалынга безин олурбастан. Аалдың бүгү ажылы Сендай биле Бопуй-оолдуң эктинге онаашкан. Ыңаажык ам ында-мында хурал-суглаадан-даа чыда калбастан. Улуг-биче хуралдарга чuve чугаалап-даа өөрени берген. Ыңчалза-даа өске улустар ышкаш, хөй-ле илеткел салып, чулчуруп турбас, ооң чугаазы дорт, чиге, допчу боорга, улус ону дыңнаксаар.

- Чамдык улус мал бажы өстүреринче сагыш салбастай берген. Сиген-ширбиижин, өдек-кыштаан үезинде белеткевес. Дайынче хавырып аппаар чувени кызып тургаш чоор боор суг дээр кижилер бар-дыр. Берге үеде харын холу дыңзыг ажылдаар болза, чогуур чuve-дир ийин. Хол салдынар болза, хоржок. Ол дайын деп чuve төнер төнчүлүг-ле болгай. Бис безин бо хире дузалажып турувуста, ССРЭ черле тиилээр. Мал-маган туржук, Тываның оолдары ам дайынче айттаныр деп тураг-дыр. Фронт чоруур дээш өргүүдел бижээн оолдарның аразында бистиң сумудан безин оолдар бар дээр чорду. Харын арткан-калган майдың когун үспейн, улам өстүрер дээш кызар болзуусса эки. Нам, чазактың салган сорулгазы – мал бажын ийи сая чедирер дээн ышкаждыгай. Мынчап-ла тураг болзуусса, малывыс бажы канчап ийи сая чедерил – деп, ол бүгү суму хуралынга сөс ап чuve чугаалааш, чамдык-ажыл-ишке сунду чок кижилерни адап шүгүмчүлээн. Е. Танова

БОТ АЖЫЛДАР

Тема 1. Сөс чогаадылгазы

1. Тыва сөс чогаадылгазының кол аргалары: кожумактыг база синтаксистиг аргалар.
2. Ук аргалар-бile тургустунган сөстерниң нарын айтырыгларын К.Б. Кууларның «Сөс тургузуун башкылаарының нарын айтырыглары» деп статьязынга даянып сайгарар.
3. Тыва сөс чогаадылгазының хураңгайлаашкын база хоолгаалаар аргалары. Оларның тургустунар аргаларының онзагайы.

Ажыглаар литература:

Куулар, К. Б. Сөс тургузуун башкылаарының нарын айтырыглары / К.Б. Куулар. – Сөзүглел : боду // Башкы. – 2000. – № 2. – С. 52-54.

Оргу, К. Х. Тыва сөс тургузуун дугайында / К.Х. Оргу – Сөзүглел : боду // Тыва дыл дугайында ажылдар. – Кызыл, 1964. – С. 3-18.

Салзынмаа, Е. Б. Тыва сөс тургузуун дугайында / Е.Б. Салзынмаа – Сөзүглел : боду // Тыва дыл дугайында ажылдар. – Кызыл, 1964. – С. 19-30.

Сат, Ш. Ч. Амгы тыва литературлуг дыл / Ш.Ч. Сат, Е.Б. Салзынмаа. – Кызыл: Тываның ном үндүрөр чери, 1980. – 258 с. – Сөзүглел : боду.

Тема 2. Сөс чогаадылгазы

1. Лексика-семантиктег арга, ооң иштики хевирлериниң онзагайы.

2. Конферсия аргазы, ооң иштики хевирлери. Субстантивация хевири-бile тургустунган сөстерниң сайгарылгазын Л.С. Кара-оолдуң «Конверсия в тувинском языке: субстантивация» деп статьязынга даянып, сайгарар.

3. Холушкак арга-бile тургустунган сөстер: кайы аргаларның катышканы-бile тургустунганын тодаргай чижектерге бадыткап тургаш, сайгарар.

Ажыглаар литература:

Куулар, К. Б. Сөс тургузуун башкылаарының нарын айтырыглары / К.Б. Куулар. – Сөзүглел : боду // Башкы. – 2000. – № 2. – С. 52-54.

Кара-оол, Л. С. Конверсия в тувинском языке: субстантивация / Л.С. Кара-оол. – Текст : непосредственный // Кочевые цивилизации народов Центральной и Северной Азии: история, состояние, проблемы: Сборник материалов II Международной научно-практической конференции. – Кызыл ; Красноярск, 2010. – С. 127-130.

Салзынмаа, Е. Б. Тыва сөс тургууунун дугайында / Е.Б. Салзынмаа. – Сөзүглөл : боду // Тыва дыл дугайында ажылдар. – Кызыл, 1964. – С. 19-30.

Сат, Ш. Ч. Амги тыва литературлуг дыл / Ш.Ч . Сат, Е. Б. Салзынмаа. – Кызыл : Тываның ном үндүрер чери, 1980. – 258 с. – Сөзүглөл : боду.

Бижимел бот ажыл. Сөс чогаадылгазы, ооң кол аргалары

1. Хостуг дазылдыг болгаш кожумактыг (морфологтүг) арга-бile тургустунган сөстерни ушта бижээш, кайы чугаа кезектеринден укталганын айтып, морфемниг сайгарылгазын кылыр.

2. Каттыштырылга аргазы-бile тургустунган сөстерни ушта бижээш, оларның моделин чижек бүрүзүнүн дужунга тургузар.

3. Лексика семантиктиг арга-бile тургустунган сөстерни ушта бижиир.

4. Укталбаан дөстүг чүве ады, демдек ады, кылыг сөзү, наречиени ушта бижээш, оларның төрөл сөстериниң одуруун тургузар.

Күскежик (тыва улустуң тоолу)

Шыян ам. Час-даа дүшкен. Изиг чурттарже чораан күштар дедир ужуп чедип келген. Долгандыр бүгү бойдус оттуп эгелээн. Аар доштар адаанга оожум шулурашкан дамырактар кыңгырткайнып бадып чыткылаан.

Бир-ле катап тайгага кыпсынчыг алгы үнген. Ол тайга ээзи — Хайыракан-дыр. Кышты өттүр удууп кыштааш, ижээниinden оон үнүп келгени ол. Даамчырадыр удууп каапкан болгаш Хайыраканың шугулу-даа аажок. Хенертен, та кайынына чүве ийик, хөглүү кончуг Күскежик бо көстү хонуп келген. Хайыракан доңгайгаш, Күскежикти тудуп чиптер бодаан. Ынчалза-даа аңаа ыядынчыны кончуг ышкаш сагындырган. Ынчан ол буду-бile Күскежикти таварылпкан.

— Чүү дээш мени хомуладырың ол, Хайыракан? — дээш, Күскежиктиң карактарының чажы саагайны-ла берген.

— Ыыттава — деп, Хайыракан мөөрээн, — а оон башка душ бооп сени боскумче ажырыптарым чадавас.

— Кым билир, сенээ херек апаарым чадавас — деп, Күскежик химиренгеш, үнгүрүнче куураш-ла дээн.

Хүннер билдиртпейн эртил-ле турган. Арга-эзимниң үнүштери саглацайнып үнүп келген. Бир-ле дүне Хайыракан каттап чиир деп базып бар чорааш, тамыже куураш-ла дээн. Тамыдан үнер дээш, Хайыракан чадашкан. Үш дүн-хүн дургузунда ол ынчаар олуруп келген. Аштаары-даа кедергей, а суксаары оон дора. Өлүм-даа менден чайлаш чок-тур деп ол шиитирлеп алган.

Хенертен Күскежик чингежек үнү-бile тамыже канчап кире бергенин айтырган. «Дүже берген олуруп турарым бо ышкаждыл. Моон үнүп алтырынга дузалап көрем» — деп, күштүг амьтанд күш чогундан дилег кылган.

Карак чивеш аразында Күскежик чоогунда хадыңның бажынче үне бергеш, алтырып-тыр: «Арга-эзимниң аң-мени, ыт-кужу! Хемирикчи күскелер, аткан ок дег диннэр, маңыр койгуннар, бээр менчे келинөр! Дузалажып көрүнөр!»

Ол-ла дораан хамык аң-мен, күштар маңнажып келген. Чанында төш кырынче үне бергеш, Күскежик хадыңны тамыже ужуурарын чугаалаан. Ур-даа болбаанда дөзү быжыг турган ыяш шимээн дааштыг тамыже мет кээп ушкан.

— Авыралдыг Хайыраканым! Дүрген бээр үнүп келинөр! — деп, Күскежик сөглээн. Хайыракан бүгү күжүн чыып алгаш, дырбактанып тургаш, тамыдан үнүп келген. Өөрүшкүден Күскежикти чылгай каапкан.

— Силерге херек апаарым чадавас деп чугаалаан-на болгай мен. Ындыг-даа болду ышкаждыл — деп, Күскежик чугаалаан.

Адыгның кажан-даа бичии күскени баспазының чылдагааны ол чүве дийин.

Рефераттарның чижек темалары

1. Сөстүң морфологтук кезектери – морфемалар.
Морфема.
 2. Тыва дылда морфемаларның янзылары: дазыл, чогаадылга кожумаа, өскертилге кожумаа, хевир тургузар кожумак, дөс.
 3. Тыва сөстүң дазылы. Дазылдың үн бүдүжү: хостуг болгаш холбаалыг.
 4. Төрел сөстерни эге школага өөредири.
 5. Кожумак. Өскертилге болгаш чогаадылга кожумактары, оларның кол ылгалы. Чогаадылга кожумактарның бөлүктери.
 6. Немелде үн (интерфикс).
 7. Дөс. Укталган болгаш укталбаан дөстер.
 8. Сөстүң морфема составынга болу бээр өскерлишкіннер: кызырлыышыны болгаш бөдүүнчүүшкүн.
 9. Сөс тургузуун эге школага өөредири.
 10. Өскертилге кожумактары, оларның шын бижилгезин эге школага өөредири.
 11. Чогаадылга кожумактарның шын бижилгези.
 12. Сөс чогаадылгазы: кожумактыг (морфологтук) арга.
 13. Каттыштырылга аргазы (синтаксистиг арга).
 14. Лексика-семантиктиг арга, ооң иштики бөлүктери.
 15. Конверсия аргазы: субстантивация, адъективация, адвербиализация.
 16. Сөс чогаадылгазы: хураангайлаашыны, изоляция аргалары.
 17. Сөс чогаадылгазы. Хоолгалаар арга (калька).
 18. Сөс чогаадылгазы. Холушкак арга.
 19. Кожумактыг арга-бите тургустунган сөстерни эге школага өөредири.
 20. Каттыштырылга аргазы-бите тургустунган сөстерни эге школага өөредири.

Ажыглаар литература даңзызы

1. *Бавуу-Сюрюн, М. В.* Закономерности присоединения общетюркского -лыг к заимствованным из русского языка основам (на материале тувинского языка) / М.В. Бавуу-Сюрюн. – Текст : непосредственный // Актуальные проблемы сохранения и развития языков, культур и истории народов Саяно-Алтая. – Абакан : ХГУ им. Н.Ф. Катанова, 2001. – 259 с.
2. *Бавуу-Сюрюн, М. В.* Современные словообразовательные процессы, обусловленные языковыми контактами (на материале тувинского языка) / М. В. Бавуу-Сюрюн. – Текст : непосредственный // Сибирский филологический журнал. 2015. – № 2 . – С. 114-123.
3. *Бавуу-Сюрюн, М. В.* Влияние монгольского языка на словообразовательную систему тувинского языка (тезисы) / М. В. Бавуу-Сюрюн. Текст : непосредственный // Казань и алтайская цивилизация: 50-я ежегодная международная научная алтайистическая конференция. Казань, 1 – 6 июля 2007 г. : Труды и материалы. – Казань : Идел-Пресс, 2007. – С. 27-29.
4. *Ганиев, Ф. А.* Сложные глаголы в тюркских языках / Ф.А. Ганиев. – Текст : непосредственный // Советская тюркология. –1972. – № 3. – С. 63-66
5. *Доржсу, Ч. М.* О фонетических и структурных особенностях подражательных слов тувинского языка / Ч. М. Доржу. – Текст : непосредственный // Тувинская письменность, язык и литература. – Кызыл : Тувинское книжное издательство, 1980. – С. 80-91.
6. *Кара-оол, Л. С.* Конверсия в тувинском языке: субстантивация / Л.С. Кара-оол. – Текст : непосредственный // Кочевые цивилизации народов Центральной и Северной Азии: история, состояние, проблемы: Сборник материалов II Международной научно-практической конференции. – Кызыл ; Красноярск, 2010. – С. 127-130.
7. *Куулар, К. Б.* Сөс тургузуун башкылаарының нарын айтырыглары / К. Б. Куулар. – Сөзүглел : боду // Башкы. – 2000. – № 2. – С. 52-54.
8. *Монгуш, Д. А.* Сокращенные формы личных имен в тувинском языке / Д. А. Монгуш. – Текст : непосредственный //

Тувинский язык и письменность. Избранные труды. Научное издание. – Кызыл : Тываполиграф, 2009. – С. 67-77.

9. Монгуш, Д. А. Чая сөстү чогаадыры / Д. А. Монгуш, Ш.Ч. Сат. – Сөзүглел : боду // Совет үеде тыва дылдың хөгжүлдэзи. – Кызыл : Тываның ном үндүрөр чери, 1967. – Ар. 54-62.

10. Монгуш, Д. А. Частицы как компонент аналитических сказуемых / Д. А. Монгуш. – Текст : непосредственный // Тувинский язык и письменность. Избранные труды. Научное издание. – Кызыл : Тываполиграф, 2009. – С. 159-190.

11. Ондар, Н. М. Тыва дылда үн-дааш өттүнер эжеш сөстер / Н.М. Ондар. – Текст : непосредственный // Юбилей писателей. – Кызыл : РИО ТувГУ, 1999. – С. 96-100.

12. Ондар, Н. М. К классификации парных слов в тувинском языке / Н. М. Ондар. – Текст : непосредственный // Материалы международной конференции «Становление и развитие науки в Туве», посвященной 70-летию тувинской письменности, 12-14 сентября 2000г.– Кызыл : РИО ТувГУ, 2000. – 1 часть. – С. 60-62.

13. Ондар, Н. М. Соматические парные слова в тувинском языке / Н. М. Ондар. – Текст : непосредственный // Актуальные проблемы сохранения и развития языков, культур и истории народов Саяно-Алтая. – Абакан : ХГУ им. Н.Ф. Катанова, 2001. – С. 108-112.

14. Ондар Н. М. Парные слова в тувинском языке. Автореферат диссертации на соискание ученой степени кандидата филологических наук / Н.М. Ондар. – Кызыл : РИО ТувГУ, 2004. – 20 с.

15. Оргу, К. Х. Тыва дылда сөстердин тургустунарының дугайында / К. Х. Оргу. – Сөзүглел : боду // Тыва дыл дугайында ажылдар. – Кызыл, 1964. – С. 3-18.

16. Пальмбаҳ, А. А. Грамматика тувинского языка / А. А. Пальмбаҳ, Ф. Г. Исхаков. – Москва : Наука, 1961. – 472 с. – Текст : непосредственный.

17. Салзынмаа, Е. Б. Тыва сөс тургууунуң дугайында / Е. Б. Салзынмаа. – Сөзүглел : боду // Тыва дыл дугайында ажылдар. – Кызыл, 1964. – С. 19-30.

18. *Сат, Ш. Ч.* Основные изменения в словообразовании. Становление морфологических норм / Ш. Ч. Сат. – Текст : непосредственный // Формирование и развитие национального литературного языка. – Кызыл, 1973. – С. 127–142.
19. *Сат, Ш. Ч.* Амгы тыва литературлуг дыл / Ш. Ч . Сат, Е. Б. Салзынмаа. – Кызыл : Тываның ном үндүрөр чери, 1980. – 258 с. – Сөзүглел : боду.
20. Словообразование в тюркских языках: исследования и проблемы: материалы Международной тюркологической конференции, посвященной 80-летию Фуата Ганиева : Казань, 20-21 сентября 2010 г. – Казань : ИЯЛИ им. Г. И. Ибрагимова, 2011. – 569 с.
21. Сравнительно-историческая грамматика тюркских языков. Морфология / Ответственный редактор Э. Р. Тенишев. – Москва : Наука, 1988. – 557 с. – Текст : непосредственный.
22. Тыва дыл дугайында ажылдар / Редактору К. Х. Оргу. – Кызыл : ТНУЧ, 1964. – 64 с.

Кызырылгалар

1 ар. – бирги арын
А.п – адаарының падежи
а.ү. – амгы үе
Б.п. – бээринин падежи
бол.н. – болуушкун наклонениези
гр. – грек дыл
д.а. – демдек ады
д.Э.К. – дылдар эртеминин кандидады
итал. – итальян дыл
к.с. – кылыг сөзү
к.ү. – келир үе
к.ф.н. – кандидат филологических наук
лат. – латин дыл
О.п. – онаарының падежи
с.а. – сан ады
Т.п. – турарының падежи
ү.д. – үлегер домак
Ү.п. – үнеринин падежи
фр. – француз дыл
Х.п. – хамаарыштырарының падежи
хам. хевири – хамаарылга хевири
ч.а. – чүве ады
ч.с. – чаңгыстың саны
ч.Э.ү. – чоокта эрткен үе
Э.ү. – эрткен үе

Хураңгайлаан аттар

А.Д. – Александр Даржай
В.М. – Василий Монгуш
Е.Т. – Екатерина Танова
К-Э.К. – Кызыл-Эник Кудажы
С.П. – Сергей Пюрбю
С.С. – Станислав Серенот
Ч.Ч. – Чүлдүм Чап

Капсырылга 1.

САЙГАРЫЛГАЛАР ЧУРУМУ

Сөс тургузуунун (морфемнүү) сайгарылгага чуруму

1. Чугаа кезээ.
2. Дазылы.
3. Бар болза, чогаадылга кожумаа.
4. Бар болза, хевир тургузар кожумак.
5. Бар болза, ескертилгэ кожумaa.
6. Дөс: укталган, укталбаан.
7. Дөске азы дазылга үн өскерлиишкини болган болза, оон эгэ хевири.

Сөс чогаадылгазының сайгарылгага чуруму

1. Чугаа кезээ.
2. Сөстүү тургустунган аргазы.
3. Морфологтүг арга-бile болза: модели, төрел сөстери, ук кожумак-бile тургустунган өске сөстерниң чижектери, чогаадылга кожумааның бүдүрүкчүлүүнүү аайы-бile бөлүү, чогаадылга кожумааның утказы, чогаадылга кожумааның чогуур вариантызының бижиттингенин тайылбыраар.
4. Синтаксистиг арга-бile тургустунган болза: модели, ук модель-бile тургустунган өске сөстерниң чижектерин бээр.
5. Өске аргалар-бile тургустунганда, ук арганың кандағ хевирлери-бile канчаар тургустунганын өске сөстерниң чижектерин кирип тургаш, тайылбыраар.

Капсырылга 2.

Кол терминнөр словары

Адвербиализация (лат. adverbium - наречие) - домакка азы чугаага кандағ-бир чугаа кезээнин наречие уткалыг ажыглаттынып, чувениң шынарының азы кылдынының ылгавыр демдээн илередири.

Адъективация (лат. adjective – демдек адь) – тыва дылда колдуунда чүве аттары хамаарылганың демдек адь уткалыг ажыглаттынар.

Бөдүүн дөс – чаңгыс дазылдыг дөс.

Грамматика (гр. *grammatike* – бижилге + *techne* – уран арга) – дылдың морфологиязының болгаш синтаксизиниң дугайында өөредиг.

Дазыл – сөстүң эге үндезини, азы эң-не кол морфемазы.

Дөс – сөстүң лексиктиг утказын илередир кезээ. Дөс укталбаан, бүткен-не боду чаңгыс дазыл бооп болур.

Изоляция аргазы (фр. *isolation* аңгылаар, тускайлаар) – кандыг-бир чугаа кезээнге хамааржыр чамдык сөстерниң грамматиктиг хевириниң амгы дылда өске чугаа кезээ кылдыр быжыгып азы турумчуп артканы.

Каттыжылга (синтаксистиг) арга дээргэе ийиден хөй сөстерниң дазылының каттышканындан чаа сөстер тургустунар арга.

Кожумак (аффикс) – дазылга (дазылдың соонга) улай немежир морфемалар.

Кожумак (аффикс) — дазылга (дөске) немешкеш, анаа немелде азы чаа утка кирип чоруур, боду чааскаан тускай лексиктиг утка илеретпес, эң бөдүүн морфологтуг элемент.

Кожумактыг (морфологтуг) арга дээргэе сөстүң дазылы, бир болза дөзүнгө чогаадылга кожумактарын кожуп тургаш, чаа сөстү чогаадыр арга.

Конверсия (лат. *conversio* – өскертилге, шилчилге) дээргэе домакка азы чугаага кандыг-бир чугаа кезээн өске чугаа кезээ уткалыг ажыглааары.

Лексика-семантиктиг арга – кандыг-бир сөстү дорт утказындан аңгыда доора уткаларга чеченчидип ажыглааары.

Лексика-семантиктиг арга – кандыг-бир сөстү эрги азы баштайгы утказындан аңгыда чаа уткага ажыглааары.

Морфемалар – сөстүң оон ыңай чардынмас уткалыг кезектери.

Морфология (гр. *morphe* – хевир + *logos* – өөредиг) – дылдың морфологтуг системазын шинчилээр дыл эртеминиң бир адры. Морфологияның өөренир кол чүүлдери – морфемалар, сөстер болгаш оларның хевирлери база лексика-грамматиктиг бөлүктөр деп адаар чугаа кезектери болгаш оларның системазы болур.

Нарын дөс – ийи (чамдыкта үш) дазылдан тургустунган дөс.

Өскертилге кожумактары – сөстүң лексиктиг утказынга дегбес, ону өскерпес, грамматиктиг утка илередир азы сөстерниң өске сөстер-бile харылзаазын көргүзөр кожумактар.

Субстантивация (от лат. substantivum – чүве ады) – конверсияның бүдүрүкчүлүг сөс чогаадыр аргазы: домакка азы чугаага өске чугаа кезээнин чүве ады уткалыг ажыглаттынары.

Укталган дөс – кандыг-бир дазылга азы укталган өске дөске чогаадылга кожумаа немешкенинден азы ийи дөс каттышканындан тывылган дөс болур. Укталган дөстен чаа дөс база тыптып болур: кыш-та> кышта; кышта-г>кыштаг; кыштагла> кыштагла; кыштагла-аашкын>кыштаглаашкын.

Укталдырар дөс – чаа сөстүң тыптырынга үндезин болур дөс.

Хевир тургузар кожумактар – дазылга (азы дөске) улай немешкеш, ооң лексиктиг утказын үндезини-бile өскерпес, ынчалза-даа ол утканы нарынчыдар, улгаттырып қүштелдирер азы кошкадыр дээш өске-даа немелде уткалар киирер кожумактар.

Холушкак аргалар – ийиден хөй аргаларның дузазы-бile тургустунган сөстер.

Хоолгалаар (калька фр. *caigue* – копия, өттүнүг) – өске дылдың сөзүн азы сөс каттыжышкынын dort, бир болза кезектерин сүрүп очулдууары.

Хураангайлаашкын (итал. abbreviatura - кыска) – сөс каттыжышкының эге үжүктери азы слогтарындан тургустунган сөстер.

Чогаадылга кожумактары – дазылга (азы дөске) немешкеш, ооң лексиктиг утказын үндезини-бile өскертилтер, чаа сөс тургузар кожумактар.

Салзынмаа Е.Б.

Тыва сөс тургузуунун дугайында

Морфологтүг тургузуг талазы-бile тыва дыл агглютинативгүй тургузулуг дылдарга хамааржып⁸.

Ол дылдарда, тыва дылда ышкаш, чаа сөс-даа чогааттынарда азы бир сөстүң янзы-бүрү хевирлери-даа тургустунарда, дазыл сөөлүнгө кожумактар немежир. Шак ындыг, эләэн каш кожумактарның дазыл сөөлүнгө дистиндер кожугланы бээрин дыл эртеминде агглютинация деп адап турар. Тыва дылды агглютинативтүг тургузулуг дээриниң ужуруында.

Кандыг-бир сөске тускай кожумак немешкениндөн сөстүң утказы ёскерлип, чаа уткалыг ёске сөс тургустунар, чижээлээргэ, **балык** деп сөстен **балыкчы**, **балыктыг**, **балыксыг** деп лексиктүг утказы аңгы-аңгы чаа сөстер укталып тывылган. Олар шупту төрелдешкек сөстер болур.

Төрелдешкек сестер биле чаңгыс сөстүң грамматиктүг хевирлерин ылгап билири чугула. Бир эвес төрелдешкек сөстер бот-бодундан лексиктүг утказы-бile ылгалыр болза (денненер: ажыл – ажылчын), чаңгыс сөстүң хевирлери чүгле грамматиктүг утказы-бile (кандыг грамматиктүг категорияда турары-бile) ылгалыр: **ажылдар**, **ажылдың**, **ажылывыс**. Мында сөстүң лексиктүг утказы чаңгыс (ажыл), а ол-ла сөс үш грамматиктүг категорияда (хөйнүң санында, хамаарыштырарының падежинде, хамаарылга категориязында) турар болганда **ажылдар**, **ажылдың**, **ажылывыс** дээргэ **ажыл** деп сөстүң 3 аңгы грамматиктүг хевири болур.

Устүнде чижектерден алгаш көөргө, бир сөстен чаа сөс-даа чогаадырда, бир сөстүң аңгы-аңгы грамматиктүг хевирлерин-даа тургузарда, ыяавыла дазыл сөөлүнде кожумактар немежир-дир.

⁸ Н. К. Дмитриев Грамматика башкирского языка М.—Л 1948. 43 арын.

Бо талазы-бile тыва дыл флексиялыг орус дылдан улуг ылгалдыг. Орус дылда сөс болгаш ооң хевирлери дазыл сөөлүнгө немежир суффикс, төнчүден ангыда дазыл мурнунга немежир приставканың дузазы-бile база тургустунар.

Тыва дылдың сөс тургузар элементилери: дазыл болгаш кожумак (аффикс). Оларны тус-тузунда көрээлинер.

Дазыл.

Төрелдешкек сөстерни деңнеп көөрге, оларның шуптузунга дөмейлешкек база оларны бот-боттарындан ылган турар кезектерлиг болур. Чижээ, **чурт**, **чурттүг**, **чурттаар**, **чурттакчы**, **чуртталга** деп төрелдешкек сөстерниң дөмейлешкек ниити кезээ — **чурт**, ылгалдыг кезектери: — түг, -та-ар, -та-кчы, -та-лга.

Төрелдешкек сөстерниң оон ыңай уткалыг кезектерге чардынмас ниити кезээн дазыл дээр. «Дөс (дазыл) дээрge чүвени (предметти), чүвениң шынарын, кылдыныын адап көргүзүп турар, доктаамал үн каттыжышкыны-дыр»¹—деп, Н. К. Дмитриев башкир дыл грамматиказында бижип турар.

Төрелдешкек сөстерниң дазылы чаңгыс болганда, оларның лексиктиг уткалары ыяавыла харылзаалыг, чоок болур: **үне**, **үнелиг**, **үнелеп**, **үнелээр**, **үнелээшкін** деп сөстерниң ниити дөмейлешкек кезээ — үне. Олар утка талазы-бile харылзаалыг, бот-бодунга чоок. Ынчалза-даа чүгле даштыкы хевири дөмейлешкек, а утказы шуут ийи ангы дазылдыг сөстер төрелдешкек болбас, чижээ, **чайлаг**, **чайладыр (салыр)**, **чайланыр** деп үш сөстүң дөмейлешкек кезээ — чайла. Оларның дазылдары чүгле даштыкы хевири-бile дөмейлешкек, а утка талазы-бile ол сөстер бот-боттарынга шуут чоокшушлапас: **чайлаг** — чайгы хонаш, **чайладыр** — кандыг-бир чүвени оруктан ёске черже салыры, **чайланыр** — хостуг үелиг апаары.

Бо чижектиг грамматиктиг омонимнерни төрелдешкек сөстерден ылган билири эргежок чугула.

Тыва сөс дазылы, орус сөс дазылынга дөмейләэрge, кожумак чокка-даа боду долу уткалыг болур. Деңненер: *пил-и*, *земл-и* деп орус сөстерниң дазылдары (*пил-*, *земл-*) ол кожумактар чокка тускай утка илеретпес. А *бажың-(га)*, *суг-(же)*, *үжүк-(ту)*, *кижи-(зиг)* деп сөстерниң дазылдары ол кожумактар чокка-ла боттары тускай утканы илередип турар.

Тыва сөс дазылының үн тургузуу янзы-бүрү— чаңгыс азы элээн каш слогтардан тургустунгандар болур:

S (ажык эвес үн) + V (ажык үн): ча-, ди

V+ S: ал, ат, ол, эм.

S + V+S: кел, ном, дыл, чор.

V+ S + S: арт, ирт, ёрт.

S +V+S+S: бөрт, чарт, тырт.

V+S+V+ S: ажыл, ёрен, арат, эжик.

S+V+S+V+S+V: хамааты, дөгере, согуна.

S+V+S+V+S: дидим, тоорук, хөнек.

S+V+S + S + V + S: дордум, секпил, хүлбүс.

Дазылга янзы-бүрү кожумактар немежирге, тыва сөс дазылының үн составы колдуунда өскерилбес, эге хевири хевээр артар. Ынчалза-даа тыва дылдың үн дүрүмүнгө чагыртпышаан, чамдыкта сөстү өскертип турда, дазылдың үн составы өскерли бээр таварылгалар база эвээш эвес⁹: даг-ы > даа (дазылдың сөөлгү г ийи ажык үннүүн аразынга апаргаш чиде бээр, кожа арткан ийи кыска ажык үннер чангыс узадыр адаар делгем ажык үнчэ шилчий бээр), көр-ер > көөр (ажык үндэн эгелээн кожумак немежирге, дазылдың сөөлгү үнү р ийи ажык үннүүн аразынга апаргаш, чиде бээр). Мында дазылдың үн составы өскерилиздеа, ооң лексиктиг утказы хевээр артар.

Кожумак (аффикс) — дазылга (дөске) немешкеш, асаа немелде азы чаа утка кирип чоруур, боду чааскаан тускай лексиктиг утка илеретпес, эн бөдүүн морфологтук элемент.

Кожумактың үн тургузуу доктаамал эвес болур. Ажык үннерниң аяннажырының болгаш ажык эвес үннерниң дөмейлекиринин дүрүмнериңгэ чагыртып, дазылдың үн составының аайы-бile кожумактың үн составы үргүлчү өскерлип чоруур. Чижээлээргэ, онаарының падежиниң кожумаа дазылда (дөсте) ажык үннерниң кадыг, чымчааның, эрин-бile адаар, адавазының аайы-бile 4 вариантылыг (*ты-*, *-ти*, *-ту* *-ту*) база дазылдың (дөстүүн) сөөлгү ажык эвес үнүнгэ

⁹ Ф. Г. Исхаков, А.А. Пальмба. Грамматика тувинского языка. Фонетика и морфология. Москва. 1961 г. 109—113 ар.

дөмейлешкенинден 3 вариантылыг (-ты, -ды, -ны) болур — шупту 12 вариантылыг:

- ты, ти, ту, -тү.
- ды, -ди, -ду, -дү.
- ны, -ни, -ну, -нү.

Тыва кожумак колдуунда кандыг-бир чаңгыс грамматиктиг утканы илередир. **Оолдарга** деп сөсте **-дар** деп кожумак чүгле хөйнүң санын, **-га** деп кожумак чүгле бээриниң падежин илередир. Ынчалза-даа хары угда элээн-каш грамматиктиг утканы илередир орус кожумакка (төнчүгө) дөмейлешкек эвээш санныг тыва кожумактар база бар.

Деннеңер: (к) столу (бээриниң падежи, чаңгыстың саны, мужской род);

- ученик-ам (бээриниң падежи, хөйнүн саны);
- келди-вис (1 арын, хөйнүң саны);
- хол-ун (2 арын, чаңгыстың саны).

Мында кожумак бүрүзү-ле иий-ийи грамматиктиг утканы илередип тураг.

Ужур-утказының аайы-бile тыва сөс кожумактары иий улуг бөлүкке чарлыр: чогаадылга кожумактары болгаш өскертилге кожумактары.

1. Дазыл (дөс) соонга немешкеш, оон чаа уткалыг өске сөс тургузар **кожумактарны чогаадылга кожумактары** дээр.

Эм (аарыг сегидеринге херек чүүл дээн уткалыг) деп сөстен **-чи** деп чогаадылга кожумаа **эмчи** (эмнээр кижи дээн уткалыг апарган) деп чаа уткалыг сөс тургускан. Ол ышкаш, **мал** (азырал амытан) — **малзыг** (малга дөмей дээн уткалыг апарган).

Чогаадылга кожумааның дузазы-бile хөй нуруузунда бир чугаа кезээнден өске чугаа кезээ тургустунар. Чижээ,

суг (чүве ады) — суглут (демдек ады), ыр (чүве ады) — ырла (кылыг сөзү), дуүн (наречие) — дүүнгү (демдек ады), чараш (демдек ады) — чараштыр (наречие), эген (кылыг сөзү) — эгэнчек (демдек ады), бижи (кылыг сөзү) — бижикчи (чүве ады).

Чамдыкта чогаадылга кожумактынын, дузазы-бile кандыг-бир чугаа кезээнден чаа уткалыг, ол-ла чугаа кезээнгэ хамааржыр, өске сөс тургустунар, өскээр чугаалаарга, бир чүве

адындан чаа уткалыг өске чүве ады, бир кылыг сөзүндөн өске кылыг сөзү, бир сан адындан өске сан ады тургустунар таварылгалар база бар: аң (чүве ады) — аңчы (чүве ады), тараа (чүве ады) — тараачын (чүве ады), бар (кылыг сөзү) — барыкса (кылыг сөзү), беш (сан ады) — бешки (сан ады) оон-даа өске.

Тыва чогаадылга кожумааның ужур-утказы орус суффиксиге дөмөй. *Дөңнөнөр*: балық, балыкчы — рыба, рыбак

тут, тудугжу — строить, строитель

колхоз, колхозчу — колхоз, колхозник

Сөске чогаадылга кожумаа элээн каш-даа таваржып болур: чурт-та-кчы-лыг, ден-не-лге.

Чогаадылга кожумактары ажыглаттынарының аайы-бile янзы-бүрү болур. Чогаадылга кожумактарының хөй кезии үргүлчү ажыглаттынып, кандыг-бир чугаа көзээнгө хамааржыр, барык сөс бүрүзүндөн чаа сөс тургузуп турар. Ылангыя **-кчы (-кчи, -кчу, -кчү, -ыкчы, -икчи, -укчу, -укчү)** деп чогаадылга кожумааның дузазы-бile барык-ла кылыг сөзү бүрүзүндөн чүве ады тургузуп болур, а **-ла (-ле, -на, -не, -та, -те, -да, -де)** деп кожумактың дузазы-бile кончуг хөй чүве адындан кылыг сөзү тургузуп болур, чижээ:

ажылда-кчы, бижи-кчи, өөрен-икчи, ужут-укчу (ужудукчу), өрү-кчү, септэ-кчи, быш-ыкчы (быжыкчы), дузала-кчы, номчу-кчу, тургус-укчу (*тургузукчу*) оон-даа өске; суг-ла, четки-ле, эм-не, аң-на, ажыл-да, шил-де, демдек-те, балык-та оон-даа өске.

Шак ындыг, үргүлчү ажыглаттынар кожумактарны **бүдүрүкчү чогаадылга кожумактары** дээр.

А чамдык чогаадылга кожумактарының дузазы-бile хөй эвес санныг чаа сөстер тургустунган болгаш ук кожумактар эвээш ажыглаттынып турар, оларны **бүдүрүкчү эвес чогаадылга кожумактары** дээр.

-чын деп чогаадылга кожумаа чүгле эвээш санныг моол дылдан үлөгерлөттинген чүве аттарынга немежир: *тараа-чын, мал-чын, улетпүр-чин*.

-бак, -бек деп чогаадылга кожумаа-бile эвээш санныг кылыг сөзүндөн чаа уткалыг сөстер тургустунар. Амгы тыва дылда ук кожумак чаа сөс тургузарынга колдуунда ажыглаттынмастай берген: *ил-бек, ор-бак, ой-бак, шой-бек*.

Моюндурук, күшкаш, одар, төлевир деп сөстерде дылдың сайзыралының кайы-бир чадазында ажыглаттынып турган чогаадылга кожумактары (-*дурук*, -*каш*, -*ар*, -*вир*) амғы үеде шуут ажыглаттынmas болғанындан сөстүң дазылындан аңгылаттынmas бооп бышыгып калган. Олар ам **өлүг кожумактар** апарған.

Ынчангаш ол, төөгү талазы-бile укталған кылдыр санаттынар, дөстер (**моюндурук, күшкаш, одар, төлевир**) амғы дылда кезектерге чардынmas болғанындан үкталбаан дөстер болур.

2. **Өскертилге кожумаа** дээрge дазылга (дөске) немешкеш, оон лексиктиг утказын өскертес, а чүгле ук сөстүң домакта еске сөстер-бile холбаазын көргүзер сөс кезээ-дир.

Чижээ, **школада** деп сөске **-да** деп кожумак школа деп сөстүң лексиктиг утказынга өскертилге киирбээн, чүгле дараазында **өөренип турар** деп кылыг сөзү-бile ук сөстү холбаштырып турар. Ол кожумак чокка **школа** деп сөс-бile **өөренип турар** деп кылыг сөзүнүң утка талазы-бile холбаазы илереттинмес. (**Уруум школа өөренип турар** — утказы билдинмес). А кажан ол кожумакты **школа** деп сөске немептеривиске: **Уруум школада өөренип турар** — ам утказы билдингир болур.

Үстүнде чугалаанывыс ышкаш, өскертилге кожумаа ыявыла кандыг-бир чаңгыс тодаргай грамматиктиг утканы илередир. Өскертилге кожумактарының илередир грамматиктиг категориялары: сан, падеж, хамаарылга, наклонение, ўе, арын, залог, вид¹⁰. Оон аңыда өскертилге кожумаанга кылыг сөзүнүң причастие, деепричастие болгаш дадагалзал кожумактары база хамааржыр.

Чамдық таварылгаларда өскертилге кожумактары сөстүң грамматиктиг хевирин илеретпейн, харын сөстүң лексиктиг утказын өскерти бээр. Чижээ, демдек адынга чүве адының хөйнүң санының азы хамаарылга кожумаа немежиргэ, ук демдек

¹⁰ Деннеп көөр. Пальмбах А.А., Исхаков Ф Г. Үстүнде айыткан ажылдын 107 арнын көр.

ады ылгавырлыг демдекти эвес, а предметчitкен шынарның ады — чүве ады апаар. *Деннеңер*:

кырган,	ынчалза-даа кырганнар;
кызыл,	ынчалза-даа кызылдар;
бедик,	ынчалза-даа бедии
кылын,	ынчалза-даа кылыны оон-даа ёске.

Өскертилге кожумактарының саны сөсте 2-3-даа чедип болур: *уруг-лар-ывыс-тың*, *ажылда-ан-ы-ның*. Орус дылга үстүнде өскертилге кожумактарының илередип турар грамматиктig уткаларын чүгле чангыс төнчү (окончание) илередип турар. *Деннеңер*:

уруг-лар	-ывыс	-тың	(наших) детей
х.с. кожумаа	1 ар., х.с. хамаа-	Х.п. кожумаа	Х.с. родит.
	рылга кожумаа		падеж

Бінчангаш ужур-утка талазы-бile тыва өскертилге кожумаа биле орус төнчүнүң аразынга деңелге демдээ салып болур:

өскертилге кожумактары = төнчү.

Тайылбыр: ынчалза-даа тыва дылда ужур-дузазының аайы-бile чогаадылга кожумаанга-даа, өскертилге кожумаанга-даа хамаарышас, оларның ортузунда турут турар кожумактар база бар. Олар дазылга (дөске) немешкеш, соң лексиктig утказын долу өскертилсе, аңаа чүгле чассыткан азы бичелеткен, күштедирген азы кошкаткан аян кишири-бile чогаадылга кожумаандан ылгалыр. А өскертилге кожумактарынга деңнэрge, олар сөстерни холбаштырарынга улуг роль ойнавастар. Бінчангаш оларны түрк дылдар дүгайында литературада чамдық авторлар чогаадылга кожумааның тускай бөлүү кылдыр аңғылап турар.¹¹

¹¹ Исхаков Ф. Г., П а л ь м б а х А. А. Устүнде айыткан ажылдың 107 арында көөр. Деңнеп көөр: 2. Инкижеков а-Г ре к у л Сравнительная характеристика состава слова русского и хакасского языков. Известия АПН. РСФСР. М. 1960. 111. 101 арын.

Баскаков Н. А. Структура слова и части речи в тюркских языках. Советское востоковедение 1. М. 1957. 75—76 арын.

«Бо бөлүктүң кожумактары дазылга немешкеш, ук сөстү ол-ла чугаа кезээ кылдыр арттырышаан, чугаа кеzzэнге хамааржыр онзагай грамматиктиг категорияларны көргүзер» — деп, Н. А. Баскаков бодунун адаанда айыткан чүүлүнде бижип турар.

Бо бөлүктүң кожумактарынга:

а) чүве адының бичелеткен, чассыткан хевириниң кожумактарын: *оол-чугааш, бажың-чыгаш, кулун-чак, дүңма-кым;*

б) демдек адының күштелдирген азы кошкаткан хевириниң кожумактарын: *кызыл-гыр, ак-кыр, сарыг-зымаар, биче-жек;*

в) кылыг сөзүнүң залог хевириниң кожумактарын: *ырлат-, дузала-ши-, дыңна-л-;*

г) кылыг сөзүнүң вид хевириниң кожумактарын: *беривит-, бижси-гиле, көгере-ңне-, ун-месте,* — хамаарыштырып турар.

Бис бодаарывыска, бир эвес баштайгы иий бөлүктүң кожумактары, шынап-ла, чогаадылга кожумактарынга чоокшулат турар болза, сөөлгү иий бөлүктүң кожумактары чогаадылга кожумактарындан улуг ылгалдыглар. Ылангыя кылыг сөзүнүң вид кожумактары дөске немешкеш, ооң кол утказын мырыңай өскертпейн турар, чижээлээрge, **бижи** деп дөске **-гиле** деп дагыннаан вид кожумаа немежиргэ, ол дөстүң утказы дөмей-ле «бижи» хевээр артар, чүгле ол-ла кылдыныгның (бижи) элээн каш катап дагыннааны илереттинер. Залог кожумактары база шак ындыг. Ынчангаш кылыг сөзүнүң залог болгаш вид кожумактары өскертилгэ кожумактарынга хамааржыр.

Тыва сөс кезектериниң туружу мындыг:

дазыл	чогаадылга кожумаа	өскертилгэ кожумаа
чурт	та +кчы	лар
ажыл	да	ан+нар
хос	та+лга	зы+н

Пальмбах А. А., Исхаков Ф. Г. указ. соч. 107 ар. О. Суник. О морфологическом составе слова в агглютинативных языках. Известия АН СССР. Отделение литературы и языка. Т. XVII. Вып. 4. 337 арын.

Эвээш таварылгада өскертилге кожумaa чогаадылга кожумактарының мурнунга чоруур:

дазыл +	өскертилге кожумaa +	чогаадылга кожумaa
уруг	лар	лыг
көр	ген	зиг
кээрge	н	чиg

Сөске хары угда немежир элээн каш өскертилге кожумактарын кожуглаары тускай чурумнуг: дазылга (дөске) бир дугаарында-ла нийти грамматиктиг категорияны илередир кожумак немежир, ооң соонда кызаа, тодаргай уткалыг өскертилге кожумaa немежир, кожумак дазылдан (дөстен) ыраан тудум-на ооң утказы улам тодаргай, улам кызаа апар чыдар.

өөреникчи	-лер	-ивис	-ти
дөс	Х.с.	1 арын, х.с.	О.п.
		хамаарылга	

хамаарылга

кожумaa

Бо сөстүн дөзүнгө баштай хөйнүн санынын кожумaa (-лер) немешкен, чүгэ дээрge ооң утказы, хамаарылга кожумаанга бодаарга, делгем (кайы-даа арынның хамаарылга кожумактыг чүве адь хөйнүн санынга туруп болур), а хамаарылга кожумaa бодунүн ээлчээнде утка талазы-бile падеж кожумаандан делгем (чүгле онаарының падежинде эвес, а өске-даа падежтерде чүве аттары хамаарылга кожумактыг бооп болур), ынчангаш падеж кожумааның мурнунда турар.

Өскертилге кожумактарының чоорту кожуглаттынары дөстүн утказын чоорту улам тодаргайлаар (конкретизация) принципке үндезилеттингени моон илден-дир.

Орус сөсте флексияны (төнчүнү) ап каалтарга, артар кезээн сөстүн дөзү дээри ышкаш, тыва сөстүн өскертилге кожумаан ап каалтарга, артар кезээн сөстүн дөзү болур. Бир эвес сөсте өскертилге кожумaa элээн-каш болза, сөстүн дөзүн тыварда, оларның (школаның өөредилгэ номун ёзугаар чүгле сөөлгүүзүн эвес^{12 13)} шутпузун ап каалтар херек. *Книгу деп орус*

¹ М. Д. Биче-оол, Ф. Г. Исхаков. Тыва дылдың өөредилгэ ному. З-ку кезээ. Фонетика болгаш морфология. 5—6 класстарга. Кызыл, 1959. 48 дуг. арын.

сөстүң у деп флексиязын ап кааптарга, сөстүң дөзү *книг* — болур, а *номы* деп тыва сөсте — *ну* деп өскертилге кожумаан ап кааптарга, артар кезээ — *ном*. Сөстүң дөзү ол. Ол ышкаш: номчудувус — дөс: номчу;

чуртувус — дөс: чурт;

өөрөнгөннер — дөс: өөрен;

өөреникчилерниң — дөс: өөреникчи.

Дөс — лексиктиг утканы (сөс чүнү адап турарын) илередир сөс кезээ.

Бүдүш талазы-бile дөс ийи бөлүкке чарлыр: укталбаан болгаш укталган. Укталбаан дөс дээрge чүгле дазылдан тургустунган дөс-тур. **Черивис** деп сөс дазылдан (**чер-**) болгаш өскертилге кожумаандан (**-ивис**) тургустунган. Өскертилге кожумаан (**ивис**) ап кааптарга, артар кезээ **чер** — дөс болур. Ук дөс оон ыңай уткалыг кезектерге чарылбас дазыл болур, ынчангаш дөс мында укталбаан. Укталган дөс дээрge уткалыг кезектерге чардына бээр дөс-тур. Укталган дөс ийи арга-бile тургустунар:

кожумактыг (морфологтуг) арга;

кожумак чок (синтаксистиг) арга.¹

I. Бирги арга-бile тургустунган укталган дөс дазылга чогаадылга кожуумаа немешкенинден тыптыр. Чижээ, **номчудувус** деп сөсте өскертилге кожумактарын (**ду-вес**) ап кааптарга, артар кезээ — **номчу** — укталган дөс. **Ном** деп чүве адынга — **чу** деп чогаадылга кожумаа немежиргэ, чаа уткалыг сөс — кылыг сөзү тургустунган. **Аң** деп дазылдан **чы** деп чогаадылга кожумааның дузазы-бile **аңчы** деп укталган дөс тургустунар, ол-ла дазылдан **-ныг** деп чогаадылга кожумаа чаа уткалыг, өске **аңыг** деп дөс тургузар.

Укталган дөс тургустунарда, чогаадылга кожумаа бүрүзү ыявыла дазылга барып немежири албан эвес. Бир укталган дөстен чогаадылга кожумааның дузазы-бile өске уткалан дөс тургустунар таварылгалар кайы хөй: **билиглиг** деп укталган дөс, чугаажок, **-лиг** деп чогаадылга кожумааның дузазы-бile **билиг** деп дөстен укталган, а **билиг** деп дөс **-иг** деп чогаадылга

кожумааның дузазы-бile **бил-** деп дазылдан укталган. Ынчангаш **билиглиг** деп дөс **бил-** деп дазылдан укталган дээрge шын эвес болур.

Чижектер:

туд	+ ар + лар	
укталбаан	өскертилге кожумактары	
дөс (дазыл)		
туд	+уг	+лар +га
дазыл	чогаадылгы	өскертилге
укталган дөс	кожумаа	кожумактары
туд	+уг +жу	+лар +выс + ка
дазыл	чогаадылгы	өскертилге
	кожумактары	кожумактары
эмне	+лгэ	
укталган дөс	чогаадылга кожумаа	
эмнелге	+лиг	
укталган дөс	чогаадылга кожумаа	

2. Ийги арга-бile тургустунган укталган дөстүн составында иийи ийикпе оон хөй дазыл (дөс) бар болур. Иийи аңгы уткалыг дазылдар каттышкash, чаңгыс лексиктиг utканы илереди бээр «ынчангаш иийи дазылдан бүткен, чаа уткалыг, укталган дөс тыптыр азы нарын сөс тургустунар: саржаг (сарыг + чаг), тозан (тос + он), бөгүн (бо+хүн) кызыл-кат (кызыл+ кат), күш-ажыл (күш + ажыл), эрге-чагырга (эрge+чагырга) оон-даа өске.

Иийи дазылдан тургустунган укталган дөстүн үн тургузуун алгаш көөргө, хөй нуруузунда-ла иийи дазыл боттарының үн составын хевээр арттырган болур (көк-кат, аас-кежик), эвээш-ле таварылгаларда иийи дазыл чүгле лексиктиг utказын эвес, харын үн составын база чаңгыс сөс кылдыр эде өскертилген болур (сес он — сезон, доруг ала — дорала, бо эртен — бертен). Ук нарын сөстерниң шын бижилгези бо онзагай байдалга үндезилеттинген: бир эвес иийи дазыл үн составын өскертпээн болза, нарын сөстү дефистеп бижиir, а бир эвес үн талазы-бile өскерлиишкин бар болза, нарын сөстү (укталган дөстү) тудуштурууп бижиir.

Схемада көргүскени дег, бир укталган дөстен өске укталган дөстүн тургустунары ышкash иийи дазылдан

тургустунган укталган дөске чогаадылга кожумаа немешкеш, өске укталган дөс база тургустунуп болур:

аас-кеңіктіг, честек-каттаар, бертенги, аң-менғиң, күши-ажылчы.

Ийиги арга-бile тургустунган укталган дөстерге бýжыг сөс каттыжышкынында кирип турар сөстерниң кезектерин кожуп тургаш, хураангайлаан дөстер база киржир: ТАССР; партком, профэвилел, күұском.

Тыва сөстүн үстүнде кылган морфологтүг анализинден алгаш көөрге, харылзаалыг чугаада ажыглаттынган сөстүн баштай-ла ажыглаттынар кезээ — өскертилге кожумаа — сөстүн лексиктиг утказы-бile холбаазы биче база эң-не ниити грамматиктиг уткаларны илередир. Оон соонда, өскертилге кожумааның мурнунда чогаадылга кожумаа аңыглаттынар. Чогаадылга кожумактары бот-боттарындан лексиктиг болгаш грамматиктиг уткалары-бile ылгалыр, сөстерниң онзагай лексиктиг-грамматиктиг бөлүктөрин — чугаа кезектерин тургузар.

Эң сөөлүнде, чогаадылга кожумааның мурнунга дазыл турар, өске сөс кезектеринге (морфемаларга) бодаарга, дазылда лексиктиг утка эң көскүзү-бile илереттинген болур. Ынчалзада дазыл домакка тускай сөс бооп кирип турға, лексиктиг утка-бile чергелештир грамматика талазы-бile тускай хевирләттинген болур, дазыл-чүве ады домак иштинге кожумак чокка безин адаарының падежиниң хевиринде турар.

Ынчангаш сөстүн лексиктиг болгаш грамматиктиг уткаларын морфемаларга шуут үлей көргүзери берге, ындыг болзажок, лексиктиг утка колдуунда дазыл-бile чогаадылга кожумаанда (дөсте), а грамматиктиг утка нургулайында өскертилге кожумаанда илереттинген деп болур.

Тыва дыл дугайында ажылдар. Кызыл, 1964.

Куулар К.Б.

Сөс тургузуун башкылаарының нарын айтырыглары

Морфологияны эки шингээдип алрынга бир кол идиг болур темаларның бирээзи — сөстүң морфологтуг кезектери (морфемалар), оларның илередир грамматиктег уткалары, сөсте ооң кезектеринин туружу база оларны шын шыйып, сайгарары болур.

Сургуулдарга эге баштай эки билиндирип алыр чүүл – морфема бүрүзүг уткалыг болур деп билиг болур. Чижээ, *тураскаал* деп сөстү алыр болзувусса, ону *турас-ка-ал* деп морфемаларга чарыш болбас, чуге дизе олар кандыг-даа утка илеретпес. Оон ангыда сөстүң дазылын ооң лексиктиг утказынга даянып, шын тодарадып билирин чедип алыр. Даشتыкы хевири дөмей, а утка талазы-бile кандыг-даа харылзаа чок сөстерни чаңгыс дазылдыг дээш, төрөл сөстер кылдыр сайгара берип болур. Чижээ, *башикы* (мергежил), *башиyg*, *башиtak* дээн чижектиг сөстеринүү шуптузунун дазылын *баш* деп шыйып болур, а олар утка талазы-бile кандыг-даа харылзаа чок, ынчангаш төрөл сөстер болбас деп уруглар ыяк шингээдип алган турар ужурлуг.

Тыва дылдың морфемаларының флексиялыг дылдардан ылгалдарынга бичии доктаагаш, деңнелгэ материалын берип болур. Ол дугайын тодазы-бile Е. Б. Салзыңмааның ажылындан номчуп ап болур¹⁴. Ук ажылда сөс тургузуунга хамаарышкан оондаа өске нарын айтырыгларны қөдүрүп турар, оларны катаптавазы-бile бистиң бо ажылывыста ачаа немей, сөс тургузуун башкылаарының нарын чүүлдеринчэ кичээнгейни кол угландырып, ооң кезектерин канчаар шыярының айтырыгларынга доктаар сорулганы салган бис.

Морфемаларның каттыжар чурумун, чаңгыс дөске 2 падеж, арын азы сан кожумаа турбас деп чувени үстүндө айытканывыс

¹⁴ Е.Б. Салзыңма Тыва сөс тургузуунун дугайында // Тыва дыл дугайында ажылдар. Кызыл, 1964. Арын 19-30.

ажылга даянып алгаш, эки тайылбырлап бээри чугула. Оон башка чамдык *хереливис*, *оолдарның* дээн чижектиг сөстерни мынчаар шыйыптар таварылгалар бар: *херел-и-вис* деп сөсте чаңгыс арын кожумаан 2 ангы арын кожумаа кылдыр, *оолдаары-н-да* деп сөсте О. п. биле Т. п.-ниң 2 падеж кожумаа бар кылдыр шыя бээр.

Хамаарылга хевириниң үшкү арнында чүве аттары падежтерге өскерлип турда, арын болгаш падеж кожумактарының аразынга тыптып кээр немелде [Н]- деп үннү болганчок-ла О. п.-ниң кожумаа кылдыр айты бээр. Устунде *оолдары-н-да* деп чижекте ук үн кандыг-даа грамматиктиг утка илеретпес, ынчангаш ону кандыг-даа шыйыг-бileе ангылавас.

А хамаарылга хевириниң 3-кү арнында чүве аттарына арының падежинге өскерлип турда, ук кожумактың (-ны) сөөлгү ажык үнү [Ы] чиде бээр (-н) болгаш, ол болганчок-ла таныттынмайн баар: *оол- дар-ы-н, бузурел-и-н*.

Чогаадылга кожумаа өскертилгэ кожумааның мурнунга ажыглаттына бээр таварылгаларда морфемаларның десдараалашкаан барымдаалап, оларны канчаар шыярының дугайында айтырыг база тургустунуп келир. Ол дугайын устунде айытканывыс ажылдан ангыда «Амгы тыва литературлуг дыл» деп өөредилгэ номунда база айтып турар¹⁵: *хой-лар-лыг, көр-ген-им-зиг*.

Нарын сөстерни канчаар шыярының айтыры база тургустунуп келир:

1. Кезектери тутчу берген, 2 дөстүң катышканы-бileе тургустунгандар, тудуштур бижиир нарын сөстерни чаңгыс дазылдыг болгаш чаңгыс дөстүг кылдыр шыяр, ынчалза-даа оларны укталган дөс деп айтыр: *сарала. саржасаг, аппаар, эккээр, аажсок*.

2. Кезектери тудушпаан, дефистеп болгаш аңгы бижиир нарын сөстерниң дазылын 2 ангы, а дөзүн чаңгыс (укталган) дөс кылдыр шыяр: *кара-кат, ак-көк*. А бир эвес сөстер морфолог-синтаксистиг арга-бileе тургустунуп турар болза, оларның иштинге чогаадылга кожумактарын база айтыр: *арыг-шынчы, эки*

¹⁵ Ш.Ч. Сат, Е.Б. Салзынмаа Амгы тыва литературлуг дыл. Кызыл, 1980. Арын 80.

турачы. Оларның кезектеринче өскертилге кожумактары кире бергенде, оларны база айтып апаар: *чунар-бажыңнаар, ойнаар-бажың*.

3. Долу уткалыг кезээ аттыг чугаа кезээ-бile илереттинген нарын қылыг сөстери, фразеологтуг каттыжышкыннар база чаңғыс лексиктиг утканы илередир болганда, оларны база тус-тузунда ангы-ангы дазылдыг қылдыр шыйза-даа, ниити чаңғыс укталган дөстүг қылдыр шыяр: *мойт дээр, ток қылдыр, адыш часкаар, ак сепкил, карак қызыл, ат салыр*. Бо таварылгада хостут болгаш быжыг сөс каттыжышкыннарын (БСК) сайгарапында ылгалдыг чүүлдеринге чижектер кирип болур: *Бичии уругну чаптап, кара баарывыс кадып, чер дырбаатын бис деп БСК-бile инектиң кара баары када берген; дырбааш-бile чер дырбаар дээн хевирлиг чижектерни деңнеп тургаш, шайдырып болур*.

4. Чанғыс грамматиктиг утка илередир каттышкан (составтыг) қылыг сөстерин, эдеринчилерлиг, артынчыларлыг сөстерниң дазылдарын тус-тузунда ангы-ангы қылдыр, а дөстерин база чанғыс ниити шыйыг-бile шыяр: *бижип алыр, бижий шаап алыр, бажын арты, авам-бile, бир-ле*.

Орус дылдан үлгерлеп алган сөстерниң тургузуун сайгаарда, бергедээшкиннер база-ла таваржып кээр. Оларның кол-колун мынчаар бөлүктеп болур:

1. Орус дылда 2 азы оон хөй ангы-ангы дазылдар болгаш флексиялардан тургустунган укталган сөстерниң кезектерин болганчок-ла аңгылай бээри: *приставка, радиоприемник, газопровод, гидроэлектростанция, телевидение*. Тыва дылда приставка, суффикс, интерфикс дээн чижектиг сөс чогаадыр аргалар чок болганындан ындыг хевирлиг үлгерлээн сөстерни орус дылдың морфемаларынга чарбас, чүгле оларга немешкен тыва кожумактарны аңгылап шыяр: *приставка-ны, радиоприемник-тиг, газопровод-ка, гидроэлектростанция-лыг, телевидение-вис*.

2. Чамдык орус дылдан үлгерлээн сөстерге тыва кожумактар немежип турда, сөстүң дазылның азы дөзүнүң сөөлүнгэ немелде ажык үннер тыштып келири билдингир. Ук үннер дазылдың составынче кирип, оон сөөлгү үнү-бile кады адаттынып турар болганда, оларны дазыл-бile кады шыяр:

Новосибиркси-ден, акты-га, рецепти-зи.

3. ст, тт, дт деп үннер каттыжышкыннары-бile төнген сөстерге тыва кожумак, ылаңгыя -т-бile эгелээн, немежип турда, сөөлүндө үннүң дыңналбайн турары-бile ону бижикке база дакпирлай киирбес болганындан ол сөстерде [т] деп үн дазылдың эвес, а кожумактың үнү болур, ооң-бile кады ангылаар: *тракторис-тер, тракторис-тиң, артис-ти.*

4. Сөс ортузунга немежир ажық үннү дазылчे киирип сайгарар: *парығ-ы, рейиз-и.*

5. Чамдык хураангайлап үлегерлеттинген сөстерни 2-3 аңгы дазылдыг, чанғыс сөстүг кылдыр шыяр: *рай-күүс-ком, кур-банк*. Ук сөстерниң иштинче чогаадылга кожумактары кире бээр болза, оларны база ангылаар: *полит-чырыд-ышышикын*. Ынчалзадаа кезектери тыва дылда ажыглаттынмайн турар, шуут тутчу берген сөстерниң дазылдарын ангылавас, чанғыс дазыл, чанғыс дөс кылдыр сайгарар: *совхоз, комсомол*.

6. Аббревиатураларны база чанғыс дазылдыг, дөстүг кылдыр шыяр: *ССРЭ-ниң, ТР-га, ТКУ-дан*.

Тургузуунда фонетиктиг өскерлиишкіннөр болу берген сөстерни сайгарары:

1. Үн өскерлиишкіниниң түнелинде таныттынмас апарған сөстерде морфемаларны оларда болуушкуннарны эки шингээттирип алған соонда, аңғы кылдыр шыйдышыр болур: *өө (өгү), даа (даг-ы), тып (тып-ып), ап (ал-ып), баар (бар-ар), экти (эгин-и), сактыр (сагын-ыр)*.

2. [Й] үннүг үжүктөр кирген сөстерниң тургузуун сайгарып турда, элээн нарын чүүлдер тургустунуп келир. Оларның транскрипциязын кылдырып алгаш, адаттынып турарын барымдаалап, шыйдышыр чанчыктырып алыр болза, эптиг: *чая-р (чай-ар), соөг-е-ер (соөгейер), оя-р (ой-ар)*. [Й] деп үннүң соонда ажық үн узадыр адаттынып турда, база ооң транскрипциязынга даянып алгаш, шыйдышар. Бир эвес [й] үннүг үжүктө кирип турар азы узун ажық үн дазылче кирип турар болза, ону ооң-бile кады ангылаар: *чая-ар [чайа:-р]*. А бир эвес узун ажық үн кожумактың составынга үн өскерлиишкіниниң түнелинде тывылган болза, ону кожумак-бile кады шыяр: *эмиикееәз [эмиикәйәзи → эмиикәйәзи → эмиикәйәз], хоюур → хойу-ур, оюу → ойук-у*.

Хевир тургузар кожумактар дугайында айтырыг чүгле тыва дылда эвес, тюркологияда маргылдаалыг болуп артпышаан. Олар чогаадылга болгаш өскертилге кожумактарының аразында онзагай черни ээлеп туар. Оларга чүве адының хуу үнелел категориязының (школа программазында – бичеледир, чассыдар хевир), демдек адының чадаларының, кылыг сөзүнүң болбас хевириниң, залог болгаш вид хевирлериниң кожумактары хамааржыр. Ук кожумактар дөсче база кирип туар болгаш олар чогаадылга кожумактарынга чоок, ынчалза-даа арыг чогаадылгадаа, өскертилге-даа кожумактары кылдыр санаттынмас. Ук хевирлерниң кожумактарын аңғы мындыг шыйыг-бile шыяр дугайында доктааткан бис¹⁶. Хевир тургузар кожумактардан аңғыда хевир тургузар дөстү аңгылаарының айтырыы база тургустунуп келир. Ону мынчаар аңгылаар: *сүме-ле-ж-ир*: арыг кылыг сөзүнүң дөзү – *сүмелe*, залог дөзү – *сүмелeши-*; *сүмелегилээр*: *сүмелe-* – арыг кылыг сөзүнүң дөзү, *сүмелегиле-* – вид дөзү; *бажың-чыгаш*: чүве адының дөзү – *бажың*, хуу үнелел хевириниң дөзү – *бажыңчыгаш* дээш оон-даа өске¹⁷.

Чамдық даштыкы хевири дөмейлеки берген аңғы-аңғы хевирлерниң омоним кожумактарын сайгарып турда, берге чүүлдер база-ла туруп кээр. Чижээ: *долгандыр* деп сөс домакка туркуунун айы-бile кылыг сөзү, наречие болгаш эдеринчи кылдыр ажыглаттына бээр болгаш ол сөсте *-дыр* деп кожумакты канчалдыр шыяры база ооң грамматиктиг утказындан хамааржыр: бир эвес кылыг сөзүнүң болдуруушкун залогунун хевири болза, ону залог кожумаа кылдыр (*төгерикти долгандыр-ap*), а бир эвес наречие болза, чогаадылга кожумаа кылдыр (*долган-дыр маңнаар*), а бир эвес эдеринчи кылдыр ажыглаттынган болза, ону чантыс дазылдыг кылдыр шыйып алыр (*херимни долгандыр маңнаар*). Ындиг чижектерни хөйү-бile кирип болур: *дескиндиr, кежисир, ажсылдыr* дээш о. ө.

¹⁶ Ук саналды кафедраның эртем-методиктиг семинарынга ББСИ-ниң тыва дыл болгаш литература кафедразының эргелекчизи, доцент А.К. Ойдан-оолдун сүмлээн-бile хүлээн алган.

¹⁷ Ук саналды эртем-методиктиг семинарынга ТКУ-нуң тыва дыл болгаш литература кафедразының эргелекчизи, ф.э.к., доцент М.В. Бавуу-Сюрюннун сүмлээн-бile хүлээн алган.

Дылдың кандыг-бир төөгүлүг чадазында бұдүрүкчүлүг турған, а амғы дылда өлүг кылдыр санаттынып турар кожумактарны, оларның дазылы чеже-даа таныттынып турар болза, аңғы чогаадылга кожумаа кылдыр аңғылавас. Олар амғы дылда ажыглаттынмастай берген кожумактар болур. Чижээ: *дүргек*, *эмистик*, *шыншык*, *хунезин*, *шевергин*, *тасқыл*, *дижен* дәэш о. ө. Ынчалза-даа скобка иштинге «сылдысчыгаш» (*) демдек-бile айтып болур: (**дүр-гек*, *эм-ис-тик*, *хун-е-зин*, *шевергин*...).

Чамдық моол дылдан үлгелрээн сөстерде моол дылда бұдүрүкчүлүг, а тыва дылда бұдүрүкчүлүг эвес кожумактарны база аңғылавас: *амытан*, *эртемден*, *улаанут*, *салуучуут*.

Чамдық дузалал чугаа кезектери, транспозитор сөстерниң болгаш чамдық грамматикиг хевирлерниң нарын тургузулуг жаңылықтарының төөгүзүн студентилер дылдың төөгү грамматиказында өөренип турар. Школада сургуулдарның дыл төөгүзүнгө, амғы тыва дылга улам сонуургалдыг болурун чедип алышы-бile оларның тыптып келген төөгүзүн тайылбырлап берип турар болза артык эвес. Ынчангаш ындыг сөстерни сайгарып турар үде чаңгыс дазылдыг, дөстүг кылдыр шыйып турза-даа, оларның төөгүзүн скобка иштинге демги-ле «сылдысчыгаш»-бile (*) көргүскеш, сайгартып болур. Чижээләэрге, эвилелдер: *болгаш* (**бол-гаш*), *ынчалза-даа* (**ынчал-за-даа*)..., артынчылар: *ийикпе* (**и-йик-пе*), эвес (**э - ве-с*)..., эдеринчилер: *дәэши* (**ди-геш*), *чедир* (**чет-ир*)..., дузалал аттар: *соонда* (**сон-у-н-да*), *мурнунда* (**бурун-у-н-да*)..., кожумактар: *-ывыт-* (**ып-ыт*), *-бышаан* (**мыш-шаг-ы-н*) дәэш о. ө.

Тыва дылдың сөс тургузуунга хамаарышкан нарын айтырыларны моон-бile кызыгаарлап каары болдунаас. Университетке болгаш ортумак өөредилгө черлеринге база школаларга тыва дылды өөредип турда, сөс тургузуу-бile холбашкан, чамдық морфемаларны канчаар шыярының дугайында айтырыг берге болуп артышаан. Ынчангаш ол теманы өөредип тура, бистин эскерген болгаш ону канчаар башылап, шингээттирип болурунга тураскааткан бо ажылывыс тыва дыл башылаашкынынга дузалыг боор дәэрзинге идеңеп арттывыс.

«Башкы» сеткүүлү – № 2. – 2000.

Л.С. Кара-оол

Конверсия в тувинском языке: субстантивация

Транспозиция (от ср. лат. *transpositio* – перестановка) – использование одной языковой формы в функции другой формы. В широком смысле слова транспозиция – перенос любой языковой формы, например транспозиция времен (использование настоящего времени вместо прошедшего или будущего), наклонений (употребление императива в значении индикатива), коммуникативных типов предложения (употребление вопросительного предложения в значении повествовательного) и т.д.

В более узком смысле транспозиция, или функциональная транспозиция – переход слова из одной части речи в другую или его употребление в функции другой части речи. Различаются 2 этапа транспозиции: 1) неполная или синтаксическая, при которой изменяется лишь синтаксическая функция исходной единицы без изменения ее принадлежности к части речи; 2) полная, или морфологическая, при которой образуется слово новой части речи [ЛЭС 1990: 519].

Существуют различные механизмы перехода слов из одного класса в другие. Эти механизмы относят к средствам словообразования. При этом есть два принципиально различных типа словообразования: 1) с помощью материально выраженных показателей – частей слов (аффиксов) или других слов во вспомогательной словообразующей функции, – это морфологические или морфолого-синтаксические способы словообразования; 2) без использования специальных словообразовательных средств – аффиксов, служебных слов или других полнозначных слов, так, что назывная форма слова одной части речи (или его основа) используется без всякого материального изменения в качестве представителя другой части речи [ЛЭС 1990: 235].

Второй тип транспозиции называют конверсией. Его основная черта в том, что при нем происходит семантико-грамматическое переосмысление слова. Такого рода

переосмысление может происходить на временной основе (окказионально, в контексте), или на постоянной, узуально, с вхождением переосмысленной формы в узус языка, т.е. в словарь, в качестве новой лексической единицы.

В зависимости от категории, в которую переходит слово (его основа), различают:

- субстантивацию, (переход в класс существительных);
- адъективацию (переход в класс прилагательных);
- вербализацию (оглаголивание);
- адвербализацию (переход в класс наречий);
- прономинализацию (переход в класс местоимений).

Возможны переходы в междометия и в служебные части речи – в предлоги (препозиционализация), в союзы (конъюнкционализация), в частицы (партикуляция).

Цель данной работы – на языковом материале тувинского языка рассмотреть переход слов других частей речи в разряд имен существительных, т.е. субстантивацию (от лат. substantivum – существительное).

Субстантивация – продуктивный способ словообразования, а именно конверсии, при котором другая часть речи, заняв в предложении позицию, типичную для существительного, приобретает способность указывать на предмет – субстантивируется, сохраняя формальные признаки исходной части речи [Матвеева 2003: 343-344].

Субстантивация может быть полной, неполной и окказиональной [Розенталь 2001: 542-543].

Субстантивация полная – окончательный переход прилагательного в разряд существительных, с потерей возможности употребляться в качестве прилагательного.

В русском языке, например, это *портной*, *дневальный*, *служивый*, *гостиная*, *тироcное*, *приданое*. Будучи в прошлом прилагательными по форме, они больше не выступают в функции прилагательного, а только в качестве существительного.

Примеры полной субстантивации в тувинском языке не зафиксированы.

Субстантивация неполная – переход прилагательного в разряд существительных при продолжающемся употреблении

аналогичной формы в роли прилагательного. Получается расслоение одной лексемы на две, относящиеся друг к другу как два лексико-грамматических омонимов.

В русском языке это такие слова как, например, *военный*, *дежурный*, *часовой*, *ломовой*, *булочная*, *ванная*, *столовая*, *чайная*, *слесарная*, *заливное*, *мороженое*, *сладкое*, *данные*, *легкие*, *сумочные*, *чаевые*.

В тувинском языке неполной субстантивации подвергаются многие качественные, так и относительные прилагательные. Примеры:

чечен «красноречивый» → «красноречие»: *Чечен менде*, чечек черде (посл.) – Красноречие у меня, цветок на земле.

бай «богатый» → «богач»;

ядыы «бедный» → «бедняк»: *Ядыыны бай* кээргевес (посл.) – Богач не пожалеет бедняка.

өттүнчек «подражательный» → «подражатель»;

өжеш «упрямый» → «упрямец»: *Өттүнчек өөренир*, өжеси өөндөлевес (посл.) – Подражатель научится, упрямец не усовершенствуется.

кара «черный» → «чернота»;

ак «белый» → «белизна»: *Даг дег караны*, довук дег ак базар (посл.). – Белизна с коленную чашечку подавит черноту, подобную горе (ср.: маленькая правда победит большую ложь);

ак «белый» → «белок»: *Оолдуң карааның ағы* кыза берген. – Белок глаза мальчика покраснел.

кара «черный» → «зрачок»: *Карааның шырыңмазы биле каразын* ак чүве шылкан. – Роговица и зрачок глаза покрылся бельмом.

бак «плохой» → «нечто плохое, скверное»;

эки «хороший» → «нечто хорошее, доброе»: *Бак келзе, туттунма, эки келзе, салдынма* (посл.) – За плохое не держись, от доброго не отрывайся.

кырган «старый» → «старик»: *Кырган сегий берген*. – Старик поправился.

чарааш «красивый» → «красавица/красавец»: *Ажыл-үүлे сының чазаан чаражым* [Сарыг-оол 1989: 195] – Работа украсила твой стан красавица моя.

Каям, чарааш, дузалажсывым. – А ну-ка, красавец, помоги.
ажыг «горький» → «горе»: *Ажысын эртип шыдаваан.* –
Не смог перенести своего горя.

Чааш «младенческий» → «младенец»: *Чассыдарда чааш белен* (посл.). – Младенец на ласку отзывчив.

Чааш дээши базынма, чавыдак дээши шоотпа (посл.) – Не обижай младенца, не насмехайся над безшадным.

В тувинском языке встречаются отдельные примеры неполной субстантивации числительных, совершенно аналогичные примерам из русского языка.

Иий дугаар «второй» → «второе (блюдо)»: *Иий дугаар эккелген* – Подали **второе**.

Приведенные примеры субстантивации качественных и относительных прилагательных, а также порядкового числительного относятся к случаям **узуальной субстантивации**, результаты которой в большинстве своем отражаются словарями. Наряду с этим встречается огромное число случаев **субстантивации окказиональной**, когда в контексте фразы осуществляется переход формы прилагательного, числительного или причастия в разряд существительных – это речевые лексические единицы. Такого плана субстантивированная форма для системы языка оказывается временной, и в словарном составе языка не задерживается. Например,

човаар «уставать, утомляться» → «уставание, усталость»;
чыргаар «блаженствовать, благоденствовать» → «блаженство»: *Човаары дурген, чыргаары оожум* (посл.). – Усталость (приходит) быстро, а блаженство – медленно;

өжээнниг «мстительный» → «мститель»: *Өжээнниг өгге хонмас* (посл.) – Мститель в юрте не ночует.

кирген-унген «вошел, вышел» → «входящие-выходящие, кто-то»: *Кирген-унген аяк шайны амзааш баарлар.* [Ховалыг 1999: 3] – Входящие-выходящие, отпив пиалу чая, уходят.

санал бергеннер «выступили с предложением» → «выступающие, кто-то»; *Санал бергеннер демдеглээннер* [Монгуш 2006: 36] – Выступающие отметили.

мурнаан «опередил» → *мурнааның «опередившего, кого-то»;*

соңаан «отстал» → *соңааның «опоздавшего, кого-то»;*
Мурнааның мөрүзү, соңааның шорузу (посл.). – Удача опередившего, вина опоздавшего.

Слова и словосочетания *човаар, чыргаар, өжээннис, кирген-үнген, санал берген, мурнаан, соңаан* выступают в качестве имен существительных только в приведенных предложениях, в качестве постоянных употребляются *шагзырааны, чыргал(аң), өжээн негекчизи, кирген кижи или аалчы, саналдакчы, мурнакчы, озалдакчы.*

Таким образом, и при узуальной и при окказиональной субстантивации можно говорить об образовании нового слова, т.е. субстантива, различие заключается только в отнесенности фактов: при узуальной субстантивации – к языку, а при окказиональной субстантивации – к речи.

Субстантивация в тувинском языке осуществляется синтаксическим способом, при котором другие части речи без специального оформления в определенном контексте приобретают предметное значение.

Например, *чырык «светлый»* → *«свет, земля»: Бінчалза даа чырык көрүп, агаар дынып, өзүп келген* [Сувакпит 1995: 5] – Но вырос видя свет, дыша воздух;

чүгүрүк «быстрый, быстроногий» → *«быстроногий, т.е. скакун»: Херелдиг хүн баалык аишкан чүгүрүк дег, узун дынын тырттырбайн кулбуртупкан* [Сувакпит 1995: 29]. – Лучистое солнце как быстроногий, переваливающий седловину, ускакал, не давая поводья.

бир «один» → *«один (из участников ситуации), кто-то»:*
Кырган бергедээн – дэп бир сагындыра аарак чугаалады. – Старик в затруднении, – сказал **один**, как бы предупреждая;

чаши «младенческий» → *«младенец»: Чүрээм хөөкүй хензиг чаши дег давын, хөглээр* [Даржай 1994: 21] – Бедное мое сердце будет радоваться, подпрыгивая как младенец.

Существует мнение, что применение именных категорий падежа, числа и принадлежности является самостоятельным "морфологическим" способом перевода прилагательного или

причастия в имя существительное. В действительности причиной является семантическое переосмысление адъективов в субстантивы, и только в результате этого перед субстантивами, будь то окказиональными или узуальными, открывается возможности именного словоизменения.

При синтаксическом способе субстантивации переход прилагательных, глаголов, числительных, местоимений в разряд существительных закрепляется морфологически, т.е. подобно существительным принимают аффиксы принадлежности и множественного числа или изменяются по падежам, а также входят в различные сочетания со служебными словами.

Примеры морфологического закрепления субстантивов:

1. Аффиксами множественного числа

шевер «умелый» → шеверлер «умельцы»: Сеткил чечээн дарганнып каан шеверлер бар [Танова 2000: 45] – Есть умельцы, смастериившие цветок души.

чалыы «юный» → чалылыр «юные, кто-то»: Эң-не баштай сени көргеш, элдепсинген чалылыр хөй [Сарыг-оол 1973: 188] – Удивленных юных было много, впервые увидев тебя.

чарааш «красивый» → чарааштар «красавицы»: Чечектер чарааштар – сеткил сөзү чечектер [Сарыг-оол 1989: 197] – Цветы красавицы – слова (выразители) души цветы.

аныяк «молодой» → аныяктар «молодежь»: Аныяктар – ажыс-төлүм, ада сеткил хуузу-бile сүме-чагыг сөглекседим, шүүтсүнмейн дыңнаңарам [Сарыг-оол 1989: 245] – Молодежь – дети мои, по-отечески хочу дать совет, послушайте не обременяясь.

кырган «старый» → кырганнар «старики»: Кырганнар бот-боттарынче удур-дедир көруүшкөш, барык хары угда адап дүжүрген [Монгуш 2006: 11] – Старики переглянувшись, почти одновременно назвали.

2. Аффиксами принадлежности

чажыст «секретный» → чажыды «секрет (его/ее)»: Сагыжынга кирген кижээ чажыды чок [Даржай 1994: 24] – Человеку, пришедшему по душе, (у него/ее) нет секрета.

уран «искусный» → *ураным* «искусница (моя)»:
Чазанылкан, кеттинилкен ураным, чазын үнген чечек ышкаши
Дарыймаам [Сарыг-оол 1989: 195] – Похорошевшая,
приодевшаяся искусница моя, как цветок, выросшая весной,
Дарыймаа моя.

ынак «любимый» → *ынаам* «любимая (моя), кто-то»:
Кая-даа-ла кады чоруур мээн ынаам [Сарыг-оол 1989: 195] –
Повсюду вместе со мной моя любимая.

бирээ «один» → *бирээвис* «один, кто-то»: *Бир дугаар*
экзамен соонда *бирээвис* чаштай берген [Монгуш 2006: 18]. –
После первого экзамена один из нас пролетел.

3. Падежными аффиксами

кежээ «трудолюбивый» → *кежээнин* «трудолюбивому,
кому-то»;

чалгаа «ленивый» → *чалгаанын* «ленивому, кому-то»:
Кежээнин мурнуnda – хүндү, *чалгаанын* мурнуnda – кочу
(посл.). – Трудолюбивому – почет, ленивому – насмешки.

дыынмас «тупой» → *дыынмасты* «тупого, чего-то»;

дыңнавас «непослушный, не слышит» → *дыңнавасты*
«непослушного, кого-то»: *Дыынмасты* чаныыр, *дыңнавасты*
чагыыр (посл.) – Тупого точат, непослушного убеждают.

элээр «трезвый» → *элээрни* «трезвого, кого-то»;

эзирик «пьяный» → *эзирикти* «пьяного, кого-то»:
Элээрни бажында, *эзирикти* дылында (посл.) – У трезвого в
голове, у пьяного на языке

хомудаачал «обидчивый» → *хомудаачалга* «обидчивому,
кому-то»;

кошкак «слабый» → *кошкакка* «слабому, кому-то»:
Хомудаачалга сөс аар, кошкакка дүк аар (посл.) – Обидчивому
(любое) слово оскорбительно, слабому и пушинка тяжела.

хөөкүй «бедный, несчастный, жалкий» → *хөөкүйнү*
«несчастного, кого-то»: *Хөөкүйнү* көргенимде, кээргээр-дир мен
[Даржай 1994: 12] – Когда вижу несчастного, то жалею.

ынакшаан «влюбленный, влюбился» → *ынакшаанга*
«влюбленный, кто-то»: ... *ынакшаанга* эргеленин таалал
албаан [Даржай 1994: 16] – ... не насладился еще, ласкаясь
влюбленной.

4. Аффиксами множественного числа и принадлежности

дээр ~ **де-**, **ди-** «говорить, сказать» → **дээрлери** «говорящие, кто-то»: - *Ак тала төнту эки ээлөн ат-тыр – дээрлери-даа бар.* – Были **говорящие**, что белая сторона хорошо закрепилась в центре (во время игры в шахматы – Л.К.).

келген «пришел» → **келгеннерни** «пришедших (кого-то)»: *Байырлалга келгеннерни* залда уткуп тур. – Пришедших на праздник встречают в зале.

үшкү «третий» → **үшкүлери** «третий, кто-то»: - *Чоп шаптык кадып туруп бердиңер, боттары ойнаай-ла – деп, үшкүлери* чурум туда бердилер. – Почему мешаете, пусть играют сами – говорили третий, поддерживая порядок.

5. Аффиксами множественного числа и падежа

чалыы «юный» → **чалылырының** «юных, кого-то»: *Шаптык бертке торулбайн, чалылырының мурнунга чор!* [Сарыг-оол 1973: 189] – Не останавливаясь перед препятствиями, иди впереди юных!

чолдуг «счастливый» → **чолдуглар** «счастливые, кто-то»: *Чолдугларның өгбези деп чоргаар атта өлүр тын чок* [Сарыг-оол 1973: 242] – Гордое имя предок счастливых бессмертен.

6. Аффиксами принадлежности и падежа

кузээн «желанный» → **кузээнин** «желаемого, чего-то»;

сураан «искал» → **сураанын** «искомого, чего-то»: *Күзээнин чедер, сураанын* тывар (посл.). – Желаемого добьется, искомого найдет.

ырлаар «петь» → **ырлаарының** «пение (твое)»: *Ырлаарының арыг хоюун сагынгаштың...* [Даржай 1994: 13] – Вспоминая чистое нежное (твое) пение...

эткен «кричал» → **эткенин** «крик (его)»: *Аян-оол оларның (аңғылар)* **эткенин** дыңнаарга: «Харлыг чер-дир, каяа хонаал, кайыын, чүден чемненип аал» деп иелээ чарыштырганзыг болган. – Когда Аян-оол услышал их крик (турпанов), казалось, что они состязались вдвоем, говоря: «Снежное место, где приземлимся, откуда, что съедим».

Таким образом, субстантивация как продуктивный способ конверсии является одним из источников пополнения

словарного состава тувинского языка. Это сложное лексико-грамматическое явление языка, вызываемое комплексом условий лексического, морфологического и синтаксического уровня.

Литература:

1. *ЛЭС – Лингвистический энциклопедический словарь*. – М., 1995. – 685 с.
2. *Матвеева Т.В.* Учебный словарь: русский язык, культура речи, стилистика, риторика. – М.: Флинта: Наука, 2003. – 432 с.
3. *Розенталь Д.Э., Теленкова М.А.* Словарь-справочник лингвистических терминов. – М.: Астрель. АСТ, 2001. – С. 542-543.
4. *Даржай А.А.* Собраний сочинений: стихи, поэмы. – Кызыл: Тув. кн. изд-во, 1994. – 271 с.
5. *Даржай А.А.* Шагар-өйттә шалың (Роса в крапиве). – Кызыл, 1995. – 190 с.
6. *Монгуш В. Б.* Ыракка – ыянчыг, чоокка – чованчыг (Дальним – слышно, ближним – стыдно). Сборник юмористических рассказов и переводов. – Кызыл: Тув. кн. изд-во, 2006. – 192 с.
7. Мудрость народа: тувинские пословицы и поговорки. / Составители О.К. Саган-оол, М.А. Хадаханэ. – Кызыл: Тув. кн. изд-во, 1976.
8. *Сарыг-оол С.А.* Собрание сочинений. Том I. – Кызыл: Тув. кн. изд-во, 1973. – 271 с.
9. *Сарыг-оол А.А.* Избранные сочинения. Том II. – Кызыл: Тув. кн. изд-во, 1998. – 463 с.
10. *Сувакнит О.О.* Весна души: стихи. – Кызыл, 1995. – 144 с.
11. *Танова Е.Т.* Вославление земле тувинской: стихи. – Кызыл: Респ. типогр., 2000. – 94 с.
12. Кочевые цивилизации народов Центральной и Северной Азии: история, состояние, проблемы: Сборник материалов II Международной научно-практической конференции. – Кызыл-Красноярск, 2010. – С. 127-130.

Кара-оол Любовь Салчаковна

**ТӨРЭЭН ТЫВА ДЫЛ:
СӨС ТУРГУЗУУ, СӨС ЧОГААДЫЛГАЗЫ**

*Учебно-методическое пособие
На тувинском языке*

Редактор *E.K. Сенди*
Дизайн обложки *K.K. Сарыглар*

Сдано в набор 18.05.2023. Подписано к печати 31.05.2023
Формат бумаги 60×84 1/16. Бумага офсетная.
Физ. печ. л. 5,6. Усл. печ. л. 5,2. Заказ №. 1820 Тираж 50 экз.

667000, г. Кызыл, ул. Ленина 36.
Тувинский государственный университет
Издательство ТувГУ